

ԱԶՈՏ ՀԱՄԻՐՅԱՆ

ՍՏԵՓՈՆ ՍՏԵՓԱՆՅԱՆ

**ՀԱՅՈՑ  
ՅԵՂԱՍՊԱՆՈՒԹՅՈՒՆԸ**

ԵՐԵՎԱՆ

Sub

1130. 1130. 1130.

1947.9.23 201915

89

ՀԱՅԱՍՏԱՆԻ ԳԻՏՈՒԹՅՈՒՆՆԵՐԻ ԱԶԳԱՅԻՆ ԱԿԱԴԵՄԻԱ  
ՀԱՅՈՑ ՑԵՂԱՍՊԱՆՈՒԹՅԱՆ ԹԱՆԳԱՐԱՆ

ՀԱՅԱՍՏԱՆԻ ԳԻՏՈՒԹՅԱՆ ԳՐԱԴԱՐԱՆ

ԱԶԱՏ ՀԱՄԲԱՐՅԱՆ  
ՍՏԵՓԱՆ ՍՏԵՓԱՆՅԱՆ

# ՀԱՅՈՑ ՑԵՂԱՍՊԱՆՈՒԹՅՈՒՆԸ

A II  
83682



ՀՀ ԳԱԱ «ԳԻՏՈՒԹՅՈՒՆ» ՀԶՐԱՏԱՐԱԿԶՈՒԹՅՈՒՆ  
ԵՐԵՎԱՆ 1995

ՀԱՅԱՍՏԱՆԻ ԳԻՏՈՒԹՅԱՆ ԳՐԱԴԱՐԱՆ  
ԳՐԱԿԱՆՈՒԹՅԱՆ ԳՐԱԴԱՐԱՆ  
ԵՐԵՎԱՆ

Տպագրվում է ՀՀ ԳԱԱ Հայոց ցեղասպանության քանդարանի  
գիտական խորհրդի որոշմամբ

Պատասխանատու խմբագիր՝ պատմական գիտությունների դոկտոր  
Հ. Մ. ՊՈՂՈՍՅԱՆ

Գիրքը հրատարակության են Լեռաշավորել զրախոսներ՝ պատմ. գիտ.  
դոկտորներ Հ. ՈՒ. ՄԵԼԻՔՍԵՐՅԱՆԸ և Վ. Գ. ԹՈՒՆՅԱՆԸ

ՀԱՄԲԱՐՅԱՆ Ա., ՍՏԵՓԱՆՅԱՆ Ս.

Հ 205 Հայոց ցեղասպանությունը/

Պատ. խմբ. Հ. Մ. Պողոսյան; ՀԳԱԱ. Հայոց ցեղասպանության քանդարան.— Եր.: ՀՀ ԳԱԱ «Գիտություն» հրատ., 1995.—72 էջ:

Սույն զրբույլում շարադրված է հայոց մեծ եղևոնի համառոտ պատմությունը: Նշվում է, որ հայերի ցեղասպանությունը պետական մակարդակի հասցրեց սուլթան Արղուլ Համիդ 2-րդը, իրագործեցին հիմնականում երիտթուրքերը, ավարտեցին քեմալականները: Լուսարանվում են հայոց ցեղասպանության պատճառները, իրագործման եղանակներն ու հետևանքները: Բնութագրվում են նրանց գոյամարտերը:

Գրքույկը նախատեսվում է ընթերցող լայն շրջանների համար:

Նվիրվում է  
Հայոց մեծ եղեռնի  
նահատակների  
հիշատակին

ԻՆՉ է ՅԵՂԱՍՊԱՆՈՒԹՅՈՒՆԸ

Յեղասպանությունը մեծագույն հանցագործություն է մարդկության հանդեպ և դարերի պատմություն ունի: Մարդկային հասարակության գոյությունը ընթացքում բազմաթիվ ցեղեր ու ժողովուրդներ, ենթարկվելով ցեղասպանության, անհետացել են պատմության ասպարեզից, սակայն դա չի խանգարել, որ այդ ոճրագործությունը շարունակվի նաև քաղաքակրթության արդի ժամանակաշրջանում: Այդ առումով էլ ցեղասպանության կանխարգելման խնդիրը կենսական ու հրամայական անհրաժեշտություն է համայն մարդկության համար: Յեղասպանություն (գենոցիդ) տերմինը գրականության մեջ առաջին անգամ օգտագործվել է լեհ իրավաբան, դոկտոր Ռաֆայել Լեմկևի կողմից 1944 թվականին<sup>1</sup> և կազմված է հունարեն «genos» (ազգ, առսա, ցեղ) և լատիներեն «cide» (սպանել) բառերից: Այն հայերեն թարգմանությամբ նշանակում է ցեղասպանություն:

Յեղասպանության երևույթի բնորոշումը տրված է Նյուրնբերգյան միջազգային դինվորական դատարանի (արիբունալի) 6-րդ հոդվածում, ուր նշված է, որ «մարդկության դեմ հանցագործություններ են քաղաքացիական բնակչության նկատմամբ կիրառված սպանությունները, բնաջնջումը, սարկացումը, արքայությունը և այլ դաժանությունները կամ քաղաքական, առսայական ու կրոնական շարժառիթներով հետապնդումները, որոնք կատարվել են պատերազմից առաջ և պատերազմի ժամանակ...»<sup>2</sup>:

Միջազգային իրավունքի տեսանկյունից «գենոցիդ» տերմինը, ցեղասպանություն հասկացությունը համակողմանիորեն բնութագրվել է ՄԱԿ-ի Գլխավոր ասամբլեայի առաջին նստաշրջանում: 1946 թվականի դեկտեմբերի 11-ին ընդունված հատուկ բանաձևում նշվում է. «Ինչպես մարդասպանությունը հանդիսանում է առանձին մարդկային էակների ապրելու իրավունքի ժխտման, ցեղասպանությունը նշանակում է ամբողջ մարդկային խմբերի գոյատևման իրավունքի բացառում: Գոյատևման իրավունքի այդպիսի բացառումը վիրավորում է մարդկային խիղճը, մեծ վնասներ է հասցնում մարդկությանը, որը զրկում է մարդկանց այդ խմբերին մշակութային և այլ արժեքներից, հակասում է բարոյականության օրենքներին, Միացյալ ազգերի ոգուն ու նպատակներին»<sup>3</sup>: Նույն բանաձևում ուղղակիորեն մատնանշված է, որ «միջազգային իրավունքի տեսանկյունից, ցեղասպանությունը հանդիսանում է հանցագործություն, դատապարտվում է քաղաքակիրթ աշխարհի կողմից, և ցեղասպանության իրագործման գլխավոր մեղավորներն ու մասնակիցները պատժվելու են անկախ այն բանից, թե նրանք առանձին անհատներ, պետական պաշտոնական անձեր կամ պետական գործիչներ են, և անկախ նրանից, թե այդ հանցագործությունը կատարվել է կրոնական, ռասայական, քաղաքական կամ այլ շարժառիթներով»<sup>4</sup>: Ելնելով այդ խնդրի կարևորությունից, Գլխավոր ասամբլեան առաջարկեց ՄԱԿ-ի բոլոր անդամ-պետություններին «անհրաժեշտ միջոցներ ձեռնարկել այդ հանցագործության կանխման և մեղավորներին պատժի ենթարկելու համար»<sup>5</sup>:

Ելնելով միջազգային իրավունքի սկզբունքներից ու նորմերից, ՄԱԿ-ի Գլխավոր ասամբլեայի այդ նստաշրջանի ընդունած բանաձևում նշված է, որ «ցեղասպանության բաղձաթիվ հանցագործությունների հիման վրա կարելի է ցույց տալ, թե ինչպես լրիվ կամ մասնակիորեն բնաջնջման են ենթարկվել ռասայական, կրոնական, քաղաքական և այլ խմբեր»<sup>6</sup>: Համակողմանի քննադատման ու վերլուծության հի-

ման վրա ՄԱԿ-ի Գլխավոր ասամբլեան, հիմք ընդունելով 1946 թվականի դեկտեմբերի 11-ի բանաձևը, երկու տարի անց, 1948 թվականի դեկտեմբերի 9-ին ընդունեց «Կոնվենցիա ցեղասպանության հանցագործության կանխարգելման և դրա համար պատժի ենթարկելու մասին»: Այդ փաստաթղթում ցեղասպանության երեւոյթը բնորոշվում է որևէ ազգային, էթնիկական, ռասայական կամ կրոնական խմբի լքրիվ կամ մասնակի ոչնչացման նկատառումով կատարվող բոլոր գործողութուններով:

Կոնվենցիայի առաջին հոդվածով սահմանված է. «Պայմանավորվող կողմերը հաստատում են, որ անկախ այն բանից, թե խաղաղութան կամ պատերազմական ժամանակ է կատարվում ցեղասպանութունը, այն համարվում է հանցագործութուն, որը խախտում է միջազգային իրավունքի նորմերը, և որի դեմ նրանք պարտավորվում են կանխարգելման միջոցներ ձեռնարկել ու պատժել այն իրագործողներին»<sup>7</sup>:

Երրորդ հոդվածով պատժելի են համարվում հետևյալ գործողութունները.

ա) ցեղասպանութունը,

բ) ցեղասպանութուն կատարելու նպատակով դավադրութունը,

գ) ցեղասպանութուն կատարելու ուղղակի և հրապարակային սադրանքը,

դ) ցեղասպանության կատարման հանցափորձը,

ե) ցեղասպանությանը գործակցելը»<sup>8</sup>:

Կոնվենցիայի վեցերորդ հոդվածով ցեղասպանութուն կատարելու մեջ մեղադրվող անձինք պետք է դատվեն այն պետության իրավասու դատարանով, որի տարածքում կատարվել է այդ հանցագործութունը կամ այնպիսի միջազգային դատարանով, որը վերոհիշյալ կոնվենցիայի նկատմամբ կարող է իրավասութուն ունենալ<sup>9</sup>:

Ցեղասպանութունը ոչ միայն ֆիզիկական բնաջնջում է, այլ նաև ազգային լիզվի ու մշակույթի ոչնչացում: Աշխարհի տարրեր երկրներում ու կայսրութուններում դարերով իրականացվել է ազգային-մշակութային ցեղասպանու-

թյուն, որով վերացվել է զանազան ազգերի ինքնուրույնությունը, մարդկային խմբերի ընդհանրությունը: Գոյություն ունի և կենսաբանական ցեղասպանություն, որը տարբեր միջոցներով ու մեթոդներով արգելակում է ազգերի և ազգային խմբերի բնական աճը:

Ելնելով միջազգային իրավունքի հանրահայտ սկզբունքներից, ՄԱԿ-ի գլխավոր ասամբլեան 1968 թվականի նոյեմբերի 26-ին ընդունեց «Կոնվենցիա (համաձայնագիր)՝ ռազմական հանցագործությունների և մարդկության դեմ հանցագործությունների նկատմամբ վաղեմության ժամկետի մասին»: Այդ փաստաթղթում նշվում է, որ միջազգային իրավունքի մեջ հռչակվում ու հաստատվում է կարևորագույն սկզբունք, որով «ռազմական հանցագործությունների և մարդկության դեմ հանցագործությունների նկատմամբ վաղեմության ժամկետ գոյություն չունի»<sup>10</sup>, Կոնվենցիայի առաջին հոդվածում հստակորեն գրված է, որ «վաղեմության ոչ մի ժամկետ չի կիրառվում ՄԱԿ-ի գլխավոր ասամբլեայի 1948 թվականի դեկտեմբերի 9-ի «Ցեղասպանության հանցագործության կանխարգելման և գրա համար պատժի ենթարկելու մասին համաձայնագրի» նկատմամբ<sup>11</sup>: Վաղեմության ժամկետը չի կիրառվում նաև այն դեպքում, եթե նույնիսկ ցեղասպանության կանխարգելման ու պատժի մասին համաձայնագիրը «հակասում է այն երկրի ներքին օրենսդրությանը, որտեղ կատարվել է այդ հանցագործությունը»<sup>12</sup>:

Ցեղասպանության համար վաղեմությունը չկիրառելու մասին կոնվենցիան ունի հետադարձ ուժ: Դա նշանակում է, որ ցեղասպանության կազմակերպիչներն ու իրագործողները պատասխանատվության են ենթարկվում նաև մինչև կոնվենցիան կատարած այդ հակամարդկային հանցագործության համար:

Միջազգային իրավունքի սկզբունքներով մարդկության դեմ հանցագործություններ են համարվում նաև զավթողական պատերազմները, պատերազմի օրենքների խախտումը,

գերիների նկատմամբ դաժանությունների կիրառումը, զավթած տարածքների բնակչության բնաջնջումն ու ստրկացումը, այլազգի քաղաքացիների սպանություններն ու տանջահարումը, պետական և մասնավոր սեփականության կողոպուտը, քաղաքական, ռազմական և կրոնական շարժառիթներով հետապնդումները: Նման հանցագործություններ կատարած պետությունները ՄԱԿ-ի կանոնադրությամբ և ընդունած համաձայնագրերով ենթարկվում են նյութական, քաղաքական ու բարոյական, իսկ մեղավոր անձինք՝ քրեական պատասխանատվության: Այգուիսի հանցագործությունների համար Նյուրնբերգյան և Տոկիոյի դատավարություններում ընդունված որոշումներով պատասխանատվության են ենթարկվել ֆաշիստական Գերմանիայի և միլիտարիստական Ճապոնիայի կառավարությունները և առանձին անձինք:

### ՀԱՅԱՍՏՊԱՆՈՒԹՅՈՒՆԸ (ԱՐՄԵՆՈՑԻԳԸ)

Բացի ցեղասպանություն հասկացությունից, կա նաև հայասպանություն (արմենոցիդ) հասկացությունը: Որպես ցեղասպանության բնորոշ դրսևորում, հայասպանությունը պատմության տարբեր ժամանակներում գործադրել են հատկապես Թուրքիայի կառավարողները՝ ինչպես արևմտահայության, այնպես էլ արևելահայության նկատմամբ: Հայասպանություն տերմինը միջազգային շրջանակներում առաջին անգամ օգտագործվել է 1967 թվականի հուլիսին Փարիզում տեղի ունեցած ցեղասպանության կանխարգելման համաշխարհային 2-րդ համաժողովում, ուր քննարկվել է նաև առաջին աշխարհամարտում հայոց ցեղասպանության հարցը: Լիբանանցի իրավագետ Մեթր Մուսա Պրենսը հայերի զանգվածային կոտորածները բնութագրել է որպես արմենոցիդ (հայասպանություն): Նա հայերի ցեղասպանությունը համարել է մարդկության պատմության մեջ անուպատիժ մնացած ոճրագործություն<sup>1</sup>:

Հայերի ցեղասպանութեան մեջ մարմնավորված են անցած դարերի և արդի դարաշրջանի ցեղասպանությունների բարբարոսական գծերը:

Հայերի ցեղասպանությունը հաստատված է անհերքելի փաստերով և աշխարհի տարբեր լեզուներով հրապարակված հավաստի փաստաթղթերով: Հայությունն ակտիվացած ցեղասպանության քաղաքականությունն ու գործողությունները սկզբնավորվել են դեռ այն ժամանակներից, երբ թուրքական ցեղերը Հեռավոր Արևելքից ու Միջին Ասիայից ներխուժել են Հայաստան ու Փոքր Ասիա: Օսմանյան կայսրության կազմավորման ժամանակ այդ բռնապետության կառավարողները տարածաշրջանի ժողովուրդներին բաժանեցին երկու մասի՝ «հավատացյալների» (մահմեդականների) և «գյավուրների» (անհավատների կամ այլակրոնականների): «Գյավուրներ» էին համարվում հայերը, հույները, սլավոնական և այլ ժողովուրդներ: Պատմությունը լիովին հերքում է թուրքական վայ պատմարանների, կառավարող շրջանների ու դիվանագետների այն պնդումները, որ իբր դարեր շարունակ ոչ մահմեդական ժողովուրդները Օսմանյան կայսրության շրջանակներում ոչ միայն ապրել են հաշտ ու խաղաղ, շեն ենթարկվել ազգային ու կրոնական հալածանքների, այլև օգտվել են բազմաթիվ արտոնություններից:

Օսմանյան արյունալի վարչակարգը անտանելի է եղել ոչ միայն հայերի, այլ նաև մյուս ժողովուրդների համար: Հայերի նկատմամբ թուրքական կառավարողների իրագործած սպանությունները, հալածանքները, կոլոպուտը և կրոնական անհանդուրժողականությունը իրականացվել է ավելի քան հինգ դար: Ինչ վերաբերում է զանդվածային ցեղասպանությանը, այն իրագործվել է սկսած XIX դարի 90-ական թվականներից և շարունակվել է մինչև XX դարի 20-ական թվականները:

Հայերի ցեղասպանությունը պետական քաղաքականության աստիճանի բարձրացվեց Արդու Համիդ 2-րդի կառավարման տխրահուշակ «զուլումի» ժամանակաշրջանում: Օգտորվելով մեծ տերությունների թողտուխությունից, սուլթանա-

կան Թուրքիայի կառավարողները մուհուանդուրեն շարունակեցին իրենց որդեգրած հայաջինջ քաղաքականութունը:

Պատմութիւնը ցույց տվեց, որ մեծ տերութիւններ Ռեուլինյան կոնգրեսը (1878 թ.) շուտեց հայկական հարցը, որն էլ պատճառ դարձավ արեւմտահայութեան ողբերգութեան: Այդ կոնգրեսից հետո ոչ միայն շիրականացվեցին նախանշված բարենորոգումներն ու բարեփոխումները Արեւմտայան Հայաստանում, այլև սկսվեցին հայ բնակչութեան դանդաղածային կոտորածները: Ինչպես մատնանշել է ահագին միկոս Վ. Խվոստովը, այսպես կոչված բեուլինյան «կոնցերտը» կործանարար էր արեւմտահայերի համար: Այն դատապարտեց նրանց ֆիզիկական բնաջնջման»<sup>2</sup>: Սկսվեց արեւմտահայութեան նոր, էլ ավելի ողբերգական պատմութեան ժամանակաշրջանը:

Սուլթան Աբդուլ Համիդ Զ-րդի կառավարման ժամանակ մշակվեց ու գործողութեան մեջ դրվեց հայերի ցեղասպանութեան ահալոր ծրագիրը: Դրա մասին է վկայում Թուրքական կառավարութեան ղեկավարներից մեկի, մեծ վեզիր Մեհմետ Քյամիլ փաշայի հետեւյալ հայտարարութիւնը. «Եթե եւրոպիոյ մասին մեջ մեր ծոցը օձ սնուցինք, պետք չէ, որ նոյն յիմարութիւնն ընենք մեր Ասիական Տաճկաստանի մէջ. խելօքութիւնը ջնջել, վերցնել է այն ամեն տարերքը, որ օր մը կրնան մեկ նոյն վտանգը ծնանիլ և օտարին ձեռնամխութեան առիթ և գործիք լինել»:

Հիմա, այսօր գոնէ Անգլիոյ շահերն կը պահանջեն, որ Փոքր Ասիոյ (մենք և Անգլիա Հայաստան բառը ոչ միայն շինք ճանշնար, այլ այդ անունը հնչող կղակները պետք է ջախջախենք) մեր ունեցած երկիրները ազատ մնան օտարին միջամտութենէն և միջամտութեան ամեն առիթներէն. ուստի այդ սուրբ նպատակին համար պետք է և պետական իրավունք կը պահանջէ, որ որեւիցէ կասկածելի տարր անհետ ընենք, որպես զի ապագայն ապահովենք. ուրեմն այդ հայ ազգը վերցնելու, անհետ և անճետ ընելու ենք: Եւ այդ ի դուրս հանելու համար բան չի պակսիր մեկ. ամեն գարծիք

պատրաստ ունինք— քուրդ, շէրքէզ, կուսակալ, դատաւոր, հարկահան, ոստիկան, վերջապես ամենայն ինչ. կրօնական պատերազմ մը կը հրատարակենք, և դիւրին պատերազմ այնպիսի ազգի մը դեմ՝ որ ոչ զէնք ունի, ոչ զինուորութիւն էլ և աշխարհիս ամենէն մեծ տէրութեանց մէկը՝ և ամենէն հարուստը (խոսքը Անգլիայի մասին է— Ա. Ն., Ս. Ս.) մեզ նիւզակից է և մեր Ասիական աշխարհքին երաշխաւոր: Եվ եթէ այդ հայ ազգը բնաջինջ լինի և քրիստոնեայ Եւրոպա կրօնակից մը փնտոէ և չի գտնէ Տաճկական Ասիոյ մէջ, կը թողու զմեզ հանդիստ և այն ատեն կ'զբաղինք ներքին գործերով և բարեկարգութեամբք»<sup>3</sup>:

Դա, փաստորեն, Օսմանյան կայսրութեան պետական ծրագիր էր, և ղեկավարվելով դրանով, սուլթանական Թուրքիայի կառավարողները XIX դարի 90-ական թվականներին կազմակերպեցին և բարբարոսաբար իրականացրեցին արևմտահայերի ցեղասպանութիւնը: Այդ ժամանակահատվածում ցեղասպանութեան ենթարկվեց 300 հազար հայ<sup>4</sup>: Այլ, մասնավորապես գերմանական աղբյուրներում, նահատակների թիվը հասնում է շուրջ կես միլիոնի<sup>5</sup>, Բացի սպանվածներից, օթևանից ու զոյւթյան միջոցներից զրկվածների թիվը կազմեց մոտ կես միլիոն<sup>6</sup>, որից 400 հազարը հայ այրիներն ու որբ երեխաներն էին<sup>7</sup>:

Փաստորեն, Բեռլինի կոնգրեսից հետո, 18 տարվա ընթացքում արևմտահայութեան թիվը նվազեց 600 հազարով<sup>8</sup>:

Հայկական կոտորածները համակողմանիորեն լուսարանված են «Եվրոպական կառավարութիւնների մեծ քաղաքականութիւնը 1871—1914 թթ.» 40 հատորանոց ժողովածուում<sup>9</sup> և բազմաթիվ հրատարակումներում:

Հատուկ աշխատութեամբ հանդես է եկել Վ. Թենիշեր և հայերի այդ ցեղասպանութիւնը բնութագրել որպէս «քաղաքակրթութեան ամօթ»<sup>10</sup>, նրա խայտառակութիւնն ու պատվազրկութիւնը:

Հայերի ցեղասպանութեան քաղաքականութիւնն ու գործողութիւնները շարունակվեցին նաև հետագա տարիներին և իրենց զագաթնակետին հասան երիտթուրքերի կառավար-

ման ժամանակաշրջանում: Այո, հայերի ցեղասպանության Մեհմետ Քյամիլ փաշայի ու սուլթան Աբդուլ Համիդի հրեշափոր ծրագիրը կոնկրետացվեց երիտթուրքերի պարագլուխների կողմից: Ղեկավարվելով պանթուրքիզմի ու պանիսլամիզմի շովինիստական, մարդատյաց զաղափարախոսությանը, երիտթուրքական պարագլուխները նպատակադրվել էին ոչ թուրք ժողովուրդների բռնի ձուլման, տեղահանման ու ցեղասպանության միջոցով ոչ միայն պահպանել Օսմանյան կայսրությունը, այլև ստեղծել համաթուրանական համաշխարհային տիրություն: Դրան հասնելու համար նրանք զլխավոր խոշընգոտ էին համարում հայությունը, և նրա դեմ էլ ուղղված էր հարվածի հիմնական ուղղությունը: Դարասկզբին երիտթուրքական կառավարողները ձեռնամուխ եղան արևմտահայության նկատմամբ իրենց առաջին ոճրագործությանը: Նրանք 1909 թվականի ապրիլին կազմակերպեցին և իրագործեցին Ադանայի և շրջակա հայաբնակ վայրերի հայության սարսափելի կոտորածները: Կիլիկիայի այդ տարածքում թուրքական զորքերի կողմից բարբարոսաբար բնաջնջվեց ավելի քան 35 հազար հայ<sup>11</sup>: Ավերվեցին Ադանայի հայկական տներն ու մերձավոր հայկական գյուղերը: Ադանայահայության կրած նյութական վնասը կազմեց ավելի քան 80 միլիոն դոլար<sup>12</sup>: Երիտթուրքերի այդ ոճրագործության համար ոչ ոք չպատժվեց, իսկ Ադանայի նահանգապետը արժանացավ կառավարական պարգևի:

XIX դարի 90-ական թվականների և 1909 թվականի Ադանայի հայկական կոտորածները հաստատեցին թուրքական կառավարողների կողմից պետականորեն ծրագրված հայերի ցեղասպանության պատճառները: 1877—78 թվականների ռուս-թուրքական պատերազմից հետո Օսմանյան կայսրության լծից ազատագրվեցին բալկանյան երկրների բրիտանյա ժողովուրդները: Կայսրության լծի տակ մնացել էր զանգվածային բնակչությամբ միակ բրիտանյա արևմտահայությունը: Ասիական տարածքում իրենց տիրապետությունը պահպանելու նպատակով երիտթուրքական կառավարությունը խնդիր էր դրել բռնությամբ թուրքացնել կամ բնա-

ջնջել արևմտահայությանը: Կարևոր պատճառ էր նաև այն, որ արևմտահայությունը, Արևմտյան Հայաստանը, խոշորագույն ու սեպ էին համարվում համաթուրանական տիրապետության ստեղծման ճանապարհին: Հայերի ցեղասպանության պատճառ էր նաև հայ ժողովրդի ուսական կողմնորոշումը: Դրա մեջ պանթուրքական գաղափարախոսներն ու պետական գործիչները մեծ վտանգ էին տեսնում իրենց տիրապետության տարածման համար: Բնական է, ինչպես արևելահայությունը, այնպես էլ արևմտահայությունը դարերով հաստատված ուսական կողմնորոշումը անվիճելիորեն համարում էին հայ ժողովրդի գոյատևման և ազգային ազատագրության կարևոր պայմաններից մեկը:

Թուրքական կողմը հայերի ցեղասպանության դրդապատճառ էր համարում նաև հայ կամավորական շարժումը: Այդ պատճառաբանությունը նույնպես հիմնադրել է, քանի որ հայ կամավորական շարժման նպատակը հայության գոյատևման, ինքնապաշտպանության և ազգային ինքնորոշման խնդիրն էր:

Թվարկած բոլոր պատճառաբանություններն էլ ոչ բարոյական, ոչ իրավական հիմք չէին կարող հանդիսանալ հայերի ցեղասպանության համար, քանզի հայ ժողովրդի պայքարը իր պատմական հայրենիքում ապրելու և պետականություն վերահաստատելու համար էր: Այդուամենայնիվ, շարունակելով իրենց նախորդների հայաստացի քաղաքականությունն ու հայաջինջ գործողությունները և շքավարարվելով Ադանայի հայկական կոտորածներով, դրանք համարելով հայերի ցեղասպանության զլխավոր փորձ, երիտթուրքական կառավարողները 1911 թվականի հոկտեմբերին Սալոնիկում հատուկ կոնգրես գումարեցին և որոշեցին վերջնականապես իրագործել իրենց ծրագիրը<sup>13</sup>: Հայերի բնաջնջումը նրանք համարում էին հայկական հարցի ռազմատական լուծում<sup>14</sup>: Բնաջնջման ու բռնի ձուլման քաղաքականությունը վերաբերվում էր նաև կայսրության ոչ թուրք մյուս ժողովուրդներին: Այս նպատակով էլ Սալոնիկի կոնգրեսում որոշակի խնդիր

գրվեց հետևյալ ձևակերպմամբ. «Վազ թե ուշ պետք է իրականացվի Թուրքական բուլսր հայատակների օսմանացումը, սակայն պարզ է, որ դա ոչ մի դեպքում չի կարող իրագործվել խաղաղ ձևով, այն պետք է կատարվի միայն զենքի միջոցով»<sup>15</sup>:

Փաստորեն հայերի ցեղասպանության հրեշավոր ծրագիրը մշակվել էր երիտթուրքական կառավարողների կողմից մինչև առաջին համաշխարհային պատերազմը: Այդ ծրագրի իրականացման համար նպաստավոր պայմաններ ստեղծվեցին, երբ սկսվեց պատերազմը: Լեհ հայտնի հրապարակախոս, գրող Բողգան Գեմբարսկին իր ուսումնասիրություններում նշում է, որ հայերի ցեղասպանության ծրագիրը կոնկրետացվել է առաջին համաշխարհային պատերազմի սկզբում, երբ դեռ չէր բացվել ռուս-թուրքական ռազմաճակատը: Բ. Գեմբարսկին իր հրապարակումներից մեկում մեջբերում է կատարում երիտթուրքերի ղեկավարների 1914 թվականի հոկտեմբերի 15-ի նիստի սղագրությունից հետևյալ հատվածը. «Դոկտ. Նազըմ.— Անհրաժեշտ է հիմնովին լուծել հայկական հարցը՝ բուլսր հայերին իսպառ բնաջնջելով: Կարծում եմ, որ արտահայտում եմ այստեղ եղողների ընդհանուր համոզմունքը՝ հաստատելով, որ միանգամից կլուծենք այս խնդիրը, հենց որ որոշումն ընդունվի:

Թալեաթ բեյ՝ ներքին գործերի նախարար.— Իմ անձնական պատասխանատվությամբ հայերի դեմ կգործադրեմ այն ամենը, ինչ անհրաժեշտ համարեմ...

Չայների մեծամասնությամբ ընդունվեց հետևյալ բովանդակությամբ որոշում՝ հայերի տեղահանություն կատարել, միաժամանակ ոչնչացնել նրանց անապատում»<sup>16</sup>:

Հայասպանության այդ ծրագրի նյութերը շարադրված են նաև երիտթուրքական գործիչ Մեվլան-Ջադի Ռիֆատի զբրբում<sup>17</sup>: Դրանք ֆրանսերեն թարգմանությամբ ղեկավարված են ֆրանսիացի էթիկոն Ռադափի «Հայկական հարցը բաց է մընում» աշխատությունում, որն հրապարակվել է 1970 թվականին: Նրանում բերված են երիտթուրքերի ղեկավարների

նիստում ընդունված փաստաթղթի հետևյալ տողերը. «Պետք է գործել արագ և վճռական...

Եթե մենք գոհանանք այնպիսի տեղական ջարդերով, որ 1909 թվականին կազմակերպեցինք Աղանայում և հարակից շրջաններում, գործին օգնելու փոխարեն կվնասենք, որովհետև կարթնացնենք նաև նրանց կասկածները, որոնց ավելի ուշ ենք մտադիր ոչնչացնելու նկատի ունենք արաբներին և քրդերին: Վտանգն ուրեմն կեռապատկվի, ծրագրի գործադրումը կդժվարանա: Պետք է միանգամից, ամբողջությամբ արմատախիլ անել հայ ազգը, ոչ մեկին չթողնել մեր հողում, հայ բառն անգամ մատնել մոռացության: Պատերազմի առիթը հիանալի է, մենք՝ ո՛չ մեծ տերությունների միջամտությունից կարող ենք վախենալ, ո՛չ էլ համաշխարհային մամուլի բողոքի ձայնը հաշվի առնել:

Մինչև նրանք խառնվեն իրար, ամեն ինչ կատարված, վերջացած կլինի: Այս անգամվա կոտորածը պետք է բնաջնջում դառնա, կենդանի չմնա ոչ մի հայ»<sup>18</sup>:

Այդ հակամարդկային որոշմամբ ու գործողություններով էլ իրականացվեց հայերի ցեղասպանությունը:

Երիտթուրքական կառավարողների վերոհիշյալ սրույմից հետո արձակվեցին ներքին գործերի նախարար Մեհմետ Թալեաթի հրամանները հայերի ցեղասպանության ու տեղահանության մասին: Բերենք դրանցից մեկը. «Հայերի ապրելու և աշխատելու իրավունքը Թուրքիայում լիովին վերացված է: Կառավարությունը, որն իր վրա է վերցնում այդ պատասխանատվությունը, հրամայում է օրորոցում չթողնել ոչ մի երեխա... Կառավարությունը որոշել է Թուրքիայում ապրող բոլոր հայերին լրիվ ոչնչացնել»<sup>19</sup>:

Հայերի ցեղասպանությունը սկսվեց և իրագործվեց հետևյալ էտապներով: Առաջին՝ 1914 թվականի նոյեմբերի 1-ից մինչև 1915 թվականի ապրիլի 20-ը: Երկրորդ՝ 1915 թվականի ապրիլի 20—24-ից մինչև այդ թվականի դեկտեմբերը: Այդ ժամանակահատվածում հիմնականում իրագործվեց արևմտահայության տեղահանությունն ու ֆիզիկական

ընաչնչումը: Երրորդ՝ 1915 թվականի դեկտեմբերից մինչև 1918 թվականի հոկտեմբերը: Այդ ժամանակահատվածում շարունակվեց արևմտահայության մնացած մասի բռնի մահմեղականացումն ու ոչնչացումը: Միաժամանակ դեպի Արևելքյան Հայաստան թուրքական զորքերի ձեռնարկած արշավանքների ընթացքում սկսվեցին արևելահայության կոտորածները<sup>20</sup>: Հայերի ցեղասպանությունը շարունակվեց նաև հետագա տարիներին:

Հայերի ցեղասպանության իրագործման համար ստեղծվեց 10 հազարանոց հատուկ կազմակերպություն՝ «Թեշքիլաթը մահսուսե», որի վրա գրված էր բոլոր գործողությունների կազմակերպումն ու վերահսկումը:

Արևմտահայության ցեղասպանության առաջին փայլերից մեկը 18-ից 45 տարեկան հայ տղամարդկանց զորահավաքն էր: Զորակոչված հայ զինվորների մի մասը ռազմաճակատում, իսկ մյուս մասն աշխատանքային զորամասերում գնդակահարվեցին էնվեր փաշայի հատուկ հրամանով: Կարճ ժամանակահատվածում գնդակահարվեց ավելի քան 60 հազար հայ զինվոր:

Հայոց մեծ ելեռնի խորհրդանիշ է համարվում 1915 թվականի ապրիլի 24-ը: Դա իրոք խորհրդանիշ է, քանզի այդ օրը դաժանաբար գլխավեց արևմտահայ մտավորականության ընտրանին: Այդ օրը թուրքական բանտ նետվեցին շուրջ 800 հայ ականավոր մտավորականներ՝ գիտնականներ, գրողներ, արվեստագետներ, մանկավարժներ, բրժիշկներ, հրապարակախոսներ, հոգևորականներ, հասարակական գործիչներ: Նրանց թվում էին Կոմիտասը, Գրիգոր Զոհրաբը, Սիամանթոն, Դանիել Վարուժանը, Ռուբեն Սևակը, Ռուբեն Զարդարյանը, Երուսանը, Հովհաննես Թլկատինցին, Արտաշես Հարությունյանը, Տիգրան Զուկյուրյանը, Սմբատ Բյուրատը, Տիրան Քելեկյանը, Նազարեթ Տաղավարյանը, Ենովք Շահենը, Լևոն Լարենցը և ուրիշներ: 1915 թվականի հունիսի 15-ին Կոստանդնուպոլսի «Սուլթան Պայազիտ» գլխավոր հրապարակում կախաղան հանվեցին քսան

հնշակյան հերոսներ, որոնք պայքարել էին հայերի ցեղասպանութունը կանխելու համար:

Հայերի ցեղասպանութունը առաջին համաշխարհային պատերազմի տարիներին իրականացվեց աննախագիտ պարբարոսական ձևերով: Այսպես կոչված ռազմական նկատառումներով դեպորտացիայի (տեղահանության) պատրվակով արևմտահայությունը իր դարավոր հայրենիքից հակամարդկային բոլոր միջոցներով արտաքսվում էր Միջագետքի անապատները, մասնավորապես Տեր Ջոր: Տեղահանության բազմաթիվ ականատեսներ վկայում են, որ երիտթուրքական կառավարության կազմակերպած այդ հրեշավոր քայլը նշանակում էր հայության զանգվածային ընաչնչում: Թուրքական զինվորականությունը և նրա գործիք դարձած քրդական հրոսակախմբերը զազանաբար տանջում ու սպանում էին հայ երեխաներին, կանանց ու տղամարդկանց: Հայերի ցեղասպանությունը առավել զանգվածային իրագործվեց Մուշում, էրզրումում, Սեբաստիայում, Բիթլիսում, Խարբերդում և այլուր: Տրայիզոնի նահանգում տեղահանության ենթարկվեց շուրջ 30 հազար հայ, որոնք հիմնականում նահատակվեցին ճանապարհների<sup>21</sup>: Հայարնակ մյուս նահանգներում հայկական կոտորածների ականատես գերմանացիներից մեկը պատմել է, որ «թուրքերը գերազանցում էին բոլոր տիպի դաժանություններին: Նրանք զազանաբար տանջամահ էին անում, խոշտանգում էին կանանց ու տղամարդկանց, ձերբերին ու հրեխաներին, սպանում էին կացիններով կամ խեղդում էին զանազան միջոցներով, հղի կանանց ծեծում էին հրացանների կոթերով մինչև նրանց մահանալը, իսկ երիտասարդ կանանց նվիրում էին թուրքական ու գերմանական սպաներին»<sup>22</sup>: Մեկ ուրիշ գերմանացու նկարագրությամբ «խոշտանգումներից սպանված հազարավոր հայերի դիակները կարելի էր տեսնել Նփրատի ջրերում: Անհամար հայերի քշում-տանում էին անմարդաբնակ վայրեր, երիտասարդ ամուսիններին հուսացնում էին միմյանցից, կանանց բռնաբարում էին ամուսինների աչքի առաջ, իսկ վերջիններին սպանում էին արատավորված կանանց ներկա-

յությամբ»<sup>23</sup>: Գերմանացի պատուոր (բողոքականների բա-  
հանա) Ֆիշերը պատմել է, որ «Վանի շրջանի որբանոցի մի  
խումբ հայ աղջիկների կախեցին ծառերից և սկսեցին քեր-  
թել գլխների կաշին... Մի կնոջ նորածին երեխային կաց-  
նով մի քանի մասի բաժանեցին և մոր բերանը մտցնելով  
խեղդեցին: Որբանոցի մյուս աղջիկներին արատավորեցին և  
սպանեցին»<sup>24</sup>:


Այդ դաժանություններին դամարվում էին նաև քաղցն  
ու հիվանդությունները, որոնց զոհ դարձան հարյուր հազա-  
րավոր հայեր: Միայն Շետաատի անապատում շուրջ 60  
հազար հայերի անշիրիմ գերեզմաններ գոյացան<sup>25</sup>:

Տեր Զորի անապատում՝ Ռասուլ-Այնիում, Ճեղորեում  
և այլուր թուրքական յաթաղանի զոհ դարձան հարյուր հա-  
զարավոր հայեր<sup>26</sup>: Տեր Զորը դարձավ հայոց հողեղեն և  
ջրեղեն գերեզմանոց: Այո, Տեր Զորը իր շրջակա ամայի և  
ավազախառն անապատներով, Նփրատ գետով ու նրա ճյու-  
ղավորումներով դարձան հայության դեմ գործած ոճիրի ա-  
մենադժոխատեսիլ վայրերը:

Մեծ եղեռնի առաջին հայ վկայագրող Արամ Անտոնյա-  
նը իր փաստագրական «Մեծ ոճիրը» գրքում փաստեր է  
բերում այն մասին, որ միայն Տեր Զորում գաղանաբար ըս-  
պանվեց շուրջ 200 հազար հայ<sup>27</sup>:

Ա. Անտոնյանն իր նույն գրքում հատվածներ է բերում  
հայկական կոտորածների ժամանակ Հալեպի գաղթականնե-  
րի տեսչության գլխավոր քարտուղար Նայիմ Բեյի հիշողու-  
թյուններից: Ահա թե ինչ է գրում թուրք պաշտոնյան հայերի  
ցեղասպանության և տեղահանության մասին. «Հայոց եղե-  
րական տարագրութեան և սպանութեան խնդիրը, որ թուրք  
անունը մարդկութեան յաբտենական անէժքին արժանի կր  
դարձնէ, անանկ կը կարժեմ թէ համաշխարհային պատմու-  
թեան միեջև այսօր արձանագրած դարհուրելի դէպքերէն ոչ  
մէկուն կը նմանի»<sup>28</sup>:

Տեր Զորում հայկական կոտորածը, բյուրավոր հայերի  
նահատակությունը երիթուրքական կառավարողների կող-  
մից հայ ժողովրդին պատճառած մեծագույն ողբերգություն-



ներից է, որը շի կարող ջնջվել մարդկության հիշողությունից:

Հայերի զանգվածային ցեղասպանության մասին ցավով է գրել Գրիգորիս Ժ. վրդ. Պալաքյանը. «Եթե հայ նահատակներուն զանկերեն լեռ մը բարձրանար, ապահովաբար շուր պիտի տար ան սուրբ Արարատի յափտենական ձիւնի երկնաբերձ կատարին...»<sup>29</sup>:

Հայոց մեծ եղեռնին ականատես եղան մեծանուն գրողներ Հովհ. Թումանյանն ու Ա. Շիրվանզադեն: Վանի մարզի զարհուրելի տեսարանների մասին Հովհ. Թումանյանը գրել է. «Երեխաների ճակատներին մեխ են խփել, կենդանի մարդկանց զանազան մասերը կտրատել են, զանազան կերպ դասավորել, խաղեր են արել, մինչև կեսը դրել են պղինձ ու կեսից ներքև եփել, որ մյուս մասը կենդանի տեսնի ու զգա, շիկացած երկաթներով կտրել են մարմնի զանազան տեղերը և կրակի վրա խորովել, կենդանի խորովել են: Ծնողների առաջ երեխաներին են կոտորել, երեխաների առաջ՝ ծնողներին»<sup>30</sup>:

Հայերի ցեղասպանության ականատես, Թուրքիայում ամերիկյան դեսպան Հ. Մորգենթաուն իր հուշերում գրել է. «Համոզված եմ, որ մարդկության ողջ պատմության մեջ չըկան այնքան զարհուրելի փաստեր, որքան այդ կոտորածները: Անցյալում նշմարված մեծ ջարդերն ու սարսափները գրեթե աննշան են թվում 1915 թվականի հայ ազգի կրած տառապանքների համեմատությամբ»<sup>31</sup>:

Աշխարհի տարբեր լեզուներով հրապարակված բազմաթիվ փաստաթղթերի, ուսումնասիրությունների պատմագիտական ու քաղաքագիտական վերլուծությունը ցույց է տալիս, որ XX դարի ցեղասպանությունների շարքում հայոց ցեղասպանությունը առաջին զանգվածային ցեղասպանություն է, և դրա միջազգային ճանաչումն ու դատապարտումը պատմական դաս է համայն մարդկությանը՝ նոր ցեղասպանությունների կանխման համար:

## Գ Ո Յ Ա Մ Ա Ր Տ Ե Ր Ը

Իթիբիհատի կողմից կազմակերպած կոտորածները արևմտահայերի մեծամասնության համար անսպասելի էին: Ուստի նրանք շկարողացան դիմագրավել դահիճներին ու սրի բաշվեցին: Բայց մի շարք վայրերում հայերն արագորեն համախմբվեցին և դիմեցին ինքնապաշտպանության: Այդպիսի վայրերից էր Վասպուրականը: 1915 թ. մարտին Շատախ, Գավաշ, Թիմար, Հայոց ձոր, Արճեշ գավառների բնակիչները թե՛ կռիվներ մղեցին թուրքական զորամասերի ու քրդական բաշխողուկների դեմ, սակայն, ի վերջո, տեղի տրվեցին թշնամու գերազանց ուժերի առաջ և նահանջեցին դեպի Վան:

Առաջին աշխարհամարտի նախօրյակին Վանն ուներ 41 հազար բնակիչ, որից 23 հազարը՝ հայ, իսկ 18000-ը՝ գերազանցապես թուրք: Քաղաքը բաժանված էր երկու մասի. մեկը կոչվում էր Այգեստան, իսկ մյուսը՝ Քաղաքամեջ: Երկու թաղամասերն իրարից հեռու էին 5—6 կմ: Նրանց մեջտեղում բնակվում էին թուրքեր:

Վանի կուսակալ Զեզեթ Բեյը, հետապնդելով Շատախի, Գավաշի և վերոհիշյալ այլ գավառների հայերին, շարժվեց Վան և այնպես պաշարեց Այգեստանը, որ, ժամանակակիցներից մեկի խոսքով ասած «թռչունն անգամ չէր կրնար անցնիլ...»:

Վանի հայ հոգևոր ու կուսակցական շրջանները փորձեցին բանակցություններով մեղմել իրավիճակը: Բայց ապարդյուն: Ավելին, թուրքական իշխանությունները նենգաբար սպանեցին հայ բանագնացներին՝ գաշնակցության ղեկա-

վարենբր Ա. Վռամյանին (Օ. Դերձակյան) և Իշխանին (Ն. Պողոսյան):

Վանեցիների համար հարցը արդեն պարզ էր. կամ պետք է լուռ ու մունջ կոտորվեին, կամ պայքարի դուրս դային ու պահպանեին իրենց գոյությունը: Եվ նրանք ընտրեցին վերջինը: Արամ Մանուկյանի նախաձեռնությամբ ապրիլի 5-ին կազմվեց «Վասպուրականի հայ ինքնապաշտպանության զինվորական մարմինը», որի մեջ մտան Արմենակ Երկարյանը և Գաբրիել Սեմիրջյանը (ռամկավարներից), բուլղարացի Գրիգորը և Կայծակ Առաքելը (դաշնակցականներից), Հրանտ Գալիկյանը (հնչակյաններից) և Փանոս Թերլեմեզյանը (անկուսակցականներից կամ շեղոքներից):

Թշնամու դեմ պայքարի դուրս եկավ Վանի ամբողջ հայությունը: Փ. Թերլեմեզյանը հետագայում հուշագրում է. «Վանի հայությունը համողվեց, որ կռվին անխուսափելի դարձավ»: Նա որոշեց կռվել, գիտակցելով, որ «հերոսական կյանքը թե պատվավոր է, և թե պարտավորիչ է»: Վանեցիները հանդես եկան «Գեղ կանգնի, գերան կկտորի» սկզբունքով, որի շնորհիվ հերոսամարտը դարձավ «բացարձակ ժողովրդական պատերազմ»: Այն «այս ու այն կուսակցությունց և անհատներու վերագրելը հիմնովին թյուրիմացություն մ' է. ամենքն իրենց բաժին աշխատանքն ունեցան և ուս-ուսի կռվեցան: Պատիվ այդ անընկճելի ժողովրդյան, որ հայի պատիվն ու մեր կյանքն ազատեց»<sup>1</sup>:

Ինչպիսին էր հակառակորդների ուժերի հարաբերակցությունը: Զեդեթ բեյն ուներ 6000 զինվոր և 5000—6000 համիդիե քրդեր, իսկ հայերը՝ 800 զինվոր: Ահա այդպիսի խիստ անհավասար ուժերով էին բախվելու հակառակորդները՝ մեկը կոտորելու, բնաջնջելու մտադրությամբ, մյուսը՝ դիմադրելու և գոյատևելու հաստատ վճռականությամբ:

Վանի հերոսամարտը սկսվեց 1915 թ. ապրիլի 7-ին, իսկ ապրիլի 21-ին թե՛ կռիվները հասան դադաթնակետին: Նրբանք, ինչպես արձանագրում է Խանասերը «իրենց կատաղությամբ ոչ նախընթաց ունեին, և ոչ էլ այլևս կրկնվե-

ցան»<sup>2</sup>: Թշնամու թնդանոթներն անընդհատ որոտում էին, նհտելով օրական 400 ումբ, իսկ զիվորներից յուրաքանչյուրը ժամում արձակում էր հազարավոր փամփուշտ: Որոշ տեղերում թուրքերը դուրս էին գալիս խրամատներից և նհտվում սվինամարտի: Բայց ստանալով հակահարված, հետ էին շարտվում: Վանեցիները կռվում էին անձնուրաց ու հերոսաբար, ցույց տալով սխրանքների վառ օրինակներ:

Տղամարդկանցից հետ շէին մնում կանայք: Նրանցից ոմանք նույնիսկ հետախուզության էին գնում և բերում արժեքավոր տեղեկություններ: Ինքնապաշտպանությանն ակտիվորեն մասնակցում էին նաև պատանիները, որոնցից շատերը արագորեն նհտվում էին թշնամու արձակած ումբերի վրա, վնասագերծում էին և հանձնում զինագործներին, որոնք արկերի վառողն օգտագործում էին փամփուշտներ պատրաստելու համար:

1915 թ. ապրիլին Այգեստանից անկախ ու կտրված՝ հերոսամարտեր բռնկվեց նաև Վանի վարչական կենտրոն Քաղաքամեջ կոչված թաղամասում: Ինքնապաշտպանությունըն նախտեղ ղեկավարում էին Շուշանյան վարժարանի տեսուչ Հայկ Կոստյանը, խանութպան Գ. Սարգսյանը, առևտրական Լ. Գալաճյանը, Եզնիկ վարդապետը և ուրիշներ:

Քաղաքամեջի իրադարձություններն սկսվեցին ու ծավալվեցին համարյա այնպես, ինչպես Այգեստանում: Ապրիլի սկզբին զինվորական մարմինը նախքան ռազմական գործողությունների դիմելը, փորձեց բանակցություններ վարել Զեղեթ բեյի հետ, հուսալով, խաղաղ միջոցներով պահպանել Վասպուրականի հայությունը: Այդ նպատակով Եզնիկ վարդապետին ուղարկեցին նրա մոտ: Սակայն կուսակալը կտրուկ պատասխանեց. «Այս երկիրը կամ հային պիտի մընա, և կամ թուրքին, երկուսի մեկտեղ բնակիլը ալևս անհնարին է»:

Ապրիլի 7-ին թշնամին հարձակման անցավ, ձգտելով գրավել Քաղաքամեջի հայկական դիրքերը: Սակայն հայերն արիարար պաշտպանվեցին: Գաղազած հակառակորդն սկրսեց ումբակոծել նրանց տները: Բնակիչները սկզբում շվա-

րեցին, նույնիսկ խուճապի ենթարկվեցին, բայց շուտով «խուլական խոյանքով մը դուրս եկան կովի դավադիր թըշնամու դեմ հանդիման»: Նրանք ոչ միայն հետ շարտեցին թուրքերին, այլև այրեցին նրանց հիմնարկները: Ակտիվ դեր խաղացին նաև կանաչը: Քառասնամյա Աղավնի Վարդապետյանը, արհամարհելով մահը և բախտի կամքին թողնելով իր վեց երեխաներին, քաջատեղյակ լինելով տեղանքին, հայ մարտիկներին առաջնորդեց զեպի թշնամու դիրքերը: 16-ամյա Արամ Կապարուկյանը «զարմանալի անվախությամբ» հրկիզեց ոստիկանատունը և կենտրոնական դատարանը, իսկ Կարապետ և Մարտիրոս Մուրադյանները՝ փոսահեռագրատունը: Նրանք այդ կառույցների հետ միասին այրեցին այնտեղ դիրքավորված և ինքնապաշտպանների վրա անընդհատ կրակ թափող հակառակորդի զինվորներին: Ապա հայերը հրո ճարակ դարձրին բանկ-օտոմանի և կառավարչատան շենքերը: Այրվեց ու մոխիր դարձավ թուրքական բռնապետության խորհրդանիշը՝ օսմանյան պետական դրոշակը: Զեզեթ բեյը ստիպված էր խոստովանել, որ «կառավարության նամուսը քաղաքի մեջ կործանվեց»:

Ապրիլի 21-ին կուսակալը երկու հայ կանանց միջոցով նամակ ուղարկեց զինվորական մարմնին, պահանջելով հանձնվել, այլապես, սպառնում էր րուրին կոտորել: Սակայն հայերը արհամարհեցին նրա սպառնալիքները և շարունակեցին անզիջում պայքարը:

Մայիսի սկզբներին ռուսական զորամասերի և հայ կամավորական զնդերի հաղթական առաջխաղացման շնորհիվ Զեզեթ բեյը թողեց ինչպես Այգեստանի, այնպես էլ Քաղաքամեջի պաշարումը և բռնեց փախուստի ուղին: Ազատագրված հայերը սկսեցին այրել նրա ամրոցները: Սահակ Ճանկոյանը բարձրացավ Վանա նշանավոր բերդի գագաթը, վայր շարտեց դարեր ի վեր բռնության խորհրդանիշ դարձած օսմանյան դրոշակը և նրա փոխարեն ամրացրեց հայոց ազատության դրոշը: Մայիսի 4-ին Այգեստանի ու Քաղաքամեջի հերոսամարտերի մասնակիցները հանդիպե-

ցին իրար և շնորհավորեցին միմյանց՝ համառ պայքարով ու զոհերի գնով ձեռք բերած հաղթանակը:

Վանեցիների հաղթանակը պայմանավորված էր նրանով, որ սկզբիցեկեթ բնորեցին ճիշտ որոշում: Տեսնելով, որ թշնամին անողոք է ու դաժան, վարում է բացահայտ հայաջինջ քաղաքականություն, հերոսաբար հանդես եկան նրա դեմ, դերադասելով պատվարեր մահն՝ անպատիվ ստրկությունից: Նրանք կարճ ժամանակամիջոցում համախմբվեցին, մի կողմ դրեցին իրենց կուսակցական ու անկուսակցական ներհակությունները, ցուցարբեցին գերազանց կազմակերպվածություն ու կարգապահություն, դարձան մեկ սիրտ, մեկ մարմին և միասնաբար դիմադրավեցին թշնամուն: Թեև կտրված էին արտաքին աշխարհից, այնուամենայնիվ, նրանք ուժ ու եռանդ էին ստանում ռուսական զորամասերի ու հայ կամավորների խմբերի մոտալուտ ժամանման ու օգնության հույսից:

Վանի հերոսամարտը բարձրացրեց հայ ժողովրդի պայքարի ոգին և ապացուցեց, որ կարելի է փրկվել անգամ ահեղ թշնամուց՝ համախմբված ու վճռական պայքարով: Այդ հերոսամարտի շնորհիվ կոտորածներից փրկվեց 150—200 հազար հայ:

Արևմտահայության ինքնապաշտպանության մարտերը ծավալվեցին նաև Մուշ-Սասունում: 1915 թ. մայիսին, հրթրակա իշխանությունները հրաման արձակեցին տարուհահայության բռնագաղթի մասին, Մշո հողեոր առաջնորդ Վարդան վարդապետը և դաշնակցության ղեկավարներ Ռուբեն Տեր-Մինասյանն ու Վահան Փափաղյանը, գտան, որ շպիտք է դիմադրել, քանզի դա կլինի ավելի աղետարներ, որ ռուսական զորամասերը շուտով կգան և կլուծեն բոլոր հարցերը: Սակայն հայդուկների Հաջի Հակոբ Կոտոյանը, Պոլեյան Մշոն (Պոլե) և ուրիշներ, մերժելով նրանց խորհուրդը, վճռեցին դիմադրավել թշնամուն:

Մարտերը թուրքական զորամասերի և հայ դիմադրական ուժերի միջև սկսվում են 1915 թ. հուլիսի 11-ին: Հա-

յերը կովում են անօրինակ քաջությամբ: Նրանք ոչ միայն հետ են մղում թշնամու հարձակումները, այլև պատճառում զգալի վնաս: Ոմանք, վտանգելով իրենց կյանքը, թափանցում են թուրքերի զորամասերը և սպանում նրանց հրատանավորներին: Տղամարդկանց հետ միասին արիարար կովում են նաև կանայք: Ականատեսը գրում է. «Ու ինչպես շքանշանալ ու չհիանալ մշեցի հայ կիներու վրա, որոնք ամենքն ալ լացն ու վախը թողած՝ փոքր տղոց իբրև բաժին, իրենք կմասնակցեին այդ անհավասար դատմարտին, իրենց կրփողներուն ջուր, հաց, ռազմամթերք հայթայթելով, գիրքեր շինելով, անձներովը կովողները պաշտպանելով իրենց շորս կողմը, խնդում դեմք ցուցանելով հերոսներուն: Մնան աղջիկ, ապրեցան տանջանքը և մեռան իբրև հերոս տղամարդ»<sup>3</sup>:

Հուլիսի 12-ին շարունակվում է մշեցիների զոյամարտը: Թշնամին կատաղորեն ուժակոծում է հայոց դիրքերը, քանդում ու ավերում է դրանք, նետվում սվինամարտի: Հայերը, որքան էլ կովում են անձնուրաց, անհավասար մարտերում ստիպված են լինում նահանջել գեպի Չորի թաղը: Հաջորդ օրը թշնամին շարունակում է ուժակոծումները, նորանոր վնասներ հասցնելով հայերին: Բնկնում են նրանցից շատերը, սպառվում է նրանց ռազմամթերքը, տեղ չի հասնում սպասվող ռուսական զորամասերի օգնությունը: Հայերը ստիպված են լինում թողնել իրենց դիրքերը, փորձում են ճեղքել հակառակորդի պաշարումը և բարձրանալ Սասուն: Բայց նրանց փոքր մասն է կարողանում տեղ հասնել:

1915 թ. ամռանն ահեղ մարտեր ծավալվեցին Սասունում: Օգոստոսի 1-ին թուրքական զորաբանակները քրդական համիդիների գնդերի հետ միասին անցան հարձակման՝ գրավելով հայկական գյուղերը: Սասունի աշխարհիկ ու հոգևոր երեկիները՝ փեթարցի Մանուկը, Դավիթ Երիցյանը, սուլուցի տեր Ստեփանը, զոմսեցի Կորյունը, տեր Մամրեն և ուրիշներ համախմբեցին լեռնականներին և զոյապայքար մղեցին հակառակորդի դեմ: Ահեղ կռիվներ եղան Գոմուց

վանքի, Անդոկի, Իշխանաձորի, Շատախի և Կելիե-Կուղանի գյուղերում: Հայերը ոչ միայն կասեցնում էին թշնամու առաջխաղացումը, այլև հաճախ փախուստի մատնում նրան: Բայց կատաղած հակառակորդը, համալրելով իր զորամիավորումները, անցնում էր նոր հարձակման: Այդ վճռական պահին դաշնակցության վերոհիշյալ ներկայացուցիչները հայտարարում են սասունցիներին, թե նրանք ազատ են, ով ինչպես կարող է, թող փրկվի և, վերցնելով իրենց հետ տասնյակ զինվորներ, փախչում են Կովկաս: Առաջանում է խուճապ: Ոմանք շվարում են, մյուսները նրանց հետևից լքում են Սասունը: Սակայն հայդուկային կռիվներում կոփված և բազմաթիվ փորձանքներով անցած Մկրտիչ Պուլիյանը, կողբեցի Վարդանը և նրանց զինակիցներն արագորեն կազմակերպում են լեռնականներին և ղեկավարում նրանց գոյապայքարը:

Թշնամին, օգտվելով իր առավելութունից, շարունակում է առաջ ընթանալ՝ ոչնչացնելով լեռնականների կուտակումները: Ողջ մնացած սասունցիները շարունակում են կռիվները: Բայց ինքնապաշտպանության ճակատագիրն արդեն վճռված էր: Օգոստոսի կեսերին հակառակորդը, համոզվելով, որ լեռնականներն արդեն ջախջախված են, իր զորամասերը դուրս է բերում Սասունից, թողնելով միայն առանձին ջոկատներ: Թուրքական իշխանությունները փորձում են խաբեություն մտնել օրսալ ղեռ դիմադրող հայերին: Ուստի հայտարարում են, թե ովքեր կամովին հանձնվեն, կըփրկվեն կոտորածներից և անվնաս ու ապահով կվերադառնան իրենց գյուղերը: Դյուրահավատները լսում են ու սրի բաշվում, իսկ թուրքերին լավ ճանաչողները պատասխանում են. «Մեր լեռներուն մեջ անոթի ու ծարավ մեռնիլ ավելի լավ է, քան թե երթալ թշնամիին ոտքը և նախատինքի և անարգանքի մեջ մեռնիլ: Այստեղ մահը բարձր ու վսեմ է, որքան բարձր ու վսեմ են մեր լեռները: Այստեղ մահը անկեղծ է և մաքուր, որքան մաքուր են մեր լեռներու օդն ու ձյունը»: Այսպես՝ հակառակորդին շհավատացողներն ու շը-

հանձնվողները փրկվեցին, երբ ռուսական բանակները, ջախջախելով թուրքական զորամասերին, նվաճեցին Մուշն ու Սասունը:

Արևմտահայերը ինքնապաշտպանական նշանավոր մարտերը մղեցին նաև Շապին-Գարահիսարում: Պատերազմի նախօրյակին այդ քաղաքն ուներ մոտ 95 հազար բնակիչ (թուրք, քուրդ, շեքեզ, հույն, հայ և այլն), որից 25 հազարը՝ հայ: Նրանք, հատկապես հայերը, զբաղվում էին հիմնականում արհեստներով ու առևտրով և մասամբ հրկրագործությամբ:

Երբ լուր հկավ, որ թուրքական իշխանությունները հայերի զանգվածային ջարդեր են կազմակերպելու նաև Շապին-Գարահիսարում, նրանք պատրաստվեցին ինքնապաշտպանություն: Քաղաքի հասարակական-քաղաքական տարրեր շրջանների ներկայացուցիչները՝ Ղուկաս Գովլաթյանը (Տեովլաթյան) կամ Ղուկաս Աղբարը, Ավագ Տուրիկյանը (հնչակյաններ), Շապուհ և Իսրայել Օզանյանները, Գարեգին Կարմիրյանը (վերակազմյալ հնչակյաններ), Վահան Հյուսիսյանը, Հմայակ Գարակիսոզյանը (դաշնակցականներ) և Գասպար Ղուկասյանը (անկուսակցական) հավաքվեցին խորհրդակցության ու կազմեցին զինվորական խորհուրդ: Նրանք կոչ հղեցին իրենց հայրենակիցներին՝ թողնել ամեն ինչ և նվիրվել ինքնապաշտպանության դործին: Շուտով հայերը սկսեցին քանդել քաղաքի սալահատակները և դիրքեր պատրաստել: Միաժամանակ դիրքերի վերածեցին իրենց տները և նպատակադրվեցին՝ «բնաջնջվելի առաջ բնաջնջել»:

1915 թ. հունիսի 3-ին թուրքական հրամանատարությունը հրամայում է ուժեղացնել հայկական թաղամասերը: Հայերը պատասխանում են հրացանային կրակոցներով, նրոնակներով և կասեցնում հակառակորդի հազարավոր զինվորների առաջխաղացումը:

Հունիսի 10-ին թուրքերը վերսկսում են կրակը: Նրանք փորձում են դրավել հայերի դիրքերը: Բայց բնկնում են ինքնապաշտպանության մարտիկների կրակի տակ, կորուստներ տալիս ու հետ շարավում: Հաջորդ օրը թշնամին

նոր հարձակման է անցնում՝ առաջ մղելով խուժանին: Հայերը, սակայն, շարունակում են համառ մարտերը:

Հունիսի 15-ին հայտնվում է կուսակալ Մուամերի բանագնացը, որը սպիտակ դրոշ պարզած, հայերին է տալիս նրա նամակը, ուր ասվում էր, որ հանձնվելու դեպքում ներում կշնորհվի բոլորին, այլապես սպառնում էր «Թնդանոթներով հիմնեն կործանել բերդը...»<sup>1</sup>: Զինվորական խորհուրդը տալիս է մերժողական պատասխան:

Հունիսի 19-ին կուսակալ Մուամերին նոր բանագնացներ է ուղարկում և պահանջում հանձնվել: Հայ մարտիկներից ոմանք, տառապելով սովից ու ծարավից, մտածում են ընդունել նրա առաջարկությունը, նույնիսկ պատրաստակամություն են հայտնում ստանձնել բանակցությունների պարտականությունը, սակայն մեծ մասը հայտարարում է. «Մեռնելու երկու ձև կա, պատվավոր և անպատիվ մահ, թող աշխարհը ըստ, թե շապինգարահիսարցիք պատվով մեռան»<sup>2</sup>: Գաղազած թշնամին որոշում է դրոհել ավելի մեծ ուժով և հիմնովին ոչնչացնել հայերին: Հունիսի 23-ին կրակ է թափում բերդի վրա: Զինվորները դուրս են գալիս իրենց դիրքերից և թնդանոթային կրակի պաշտպանություն փորձում ներխուժել բերդը: Բայց հայերը պաշտպանվում են խիզախորեն: Կանայք ումբեր են շարտում թուրքերի վրա: Անսպասելի պայթյունից թշնամին փախչում է խուճապահար: Ինքնապաշտպանության մարտիկներն ազատ շունչ են քաշում, բայց պարենամթերքի ու ռազմամթերքի պակասը, սովը ու համաճարակը դժվարացնում են նրանց պայքարը, անասելի վատթարացնում վիճակը: Շապինգարահիսարցիները շարունակում են հուսալ, թե շուտով կգա ռուսական բանակը, բայց ապարդյուն:

Ղուկաս Ադրարը հրավիրում է խորհրդակցություն և քննարկում իրավիճակը: Ոմանք առաջարկում են ձեզբել թշնամու պաշարումն ու դուրս գալ, մյուսները գտնում են, թե դա անհնար է, պետք է անձնատուր լինել: Հայերի մի մասն ընդունում է առաջին, իսկ մյուսը՝ երկրորդ առաջարկությունը: Հունիսի 29-ին, այսինքն՝ գոյակովի 27-րդ օրը

առաջինները Ղուկաս Դովլաթյանի գլխավորությամբ հնարամիտ ու սրբնթաց հարձակումով ճեղքում են թշնամու օղակը և հեռանում, իսկ երկրորդները մնում են բերդում: Շուտով թուրքերը ներխուժում են բերդ և անխնա կոտորում բոլորին: Թշնամին հետապնդում է պաշարումից դուրս եկածներին, ձգտելով ոչնչացնել նրանց, սակայն դա նրան չի հաջողվում: Ազատվածները վարում են պարտիզանական պայքար, որոշ տեղերում նույնիսկ շրջապատում ու բնաջնջում թուրքական զինախմբերին: Կիրճն անցնելիս Ղուկաս Աղբարը ընկնում է թշնամու գնդակից: Նահատակվում են նաև նրա զինակիցներից շատերը: Քչերին է հաջողվում միանալ ռուսական բանակին<sup>6</sup>:

Իթթիհատի յաթաղանի դեմ պայքարի ելան նաև Ուրֆայի հայերը: Այդ քաղաքն ունի 100 հազար բնակիչ, որից 35 հազարը հայ: Իմանալով կառավարության հայաջինջ քաղաքականության մասին, նրանք որոշում են դիմադրավել: 30-ամյա Մկրտիչ Յոթնեղբայրյանի գլխավորությամբ ստեղծվում է զինվորական խորհուրդ, որի կազմում մտնում են Հարություն Ռասթեքելյանը, Վաղարշակ Մեսրոպյանը, Հարություն Սիմոնյանը և ուրիշներ: Ինքնապաշտպաններն ունենին, ոմանց տվյալներով՝ 800, իսկ այլոց՝ 2000 մարտիկներ՝ հին հրացաններով ու սահմանափակ քանակությամբ փամփուռաներով:

1915 թ. սեպտեմբերի 29-ին ուրֆացիները իրենց թաղերը վեր են ածում բարիկադների և որոշում կռվել «մինչև վերջին փամփուռը ու վերջին մարդը»: Սեպտեմբերի 30-ին նրանք պատշաճ հակահարված են տալիս մուլաների առաջնորդությամբ իրենց վրա հարձակվող խուժանին ու փախուստի մատնում:

Հոկտեմբերի 1-ին Զեմալ փաշայի կարգադրությամբ Ուրֆա է գալիս Ֆահրի փաշան՝ 13 հազար զանվորներով և պահանջում հանձնվել, խոստանալով ներում և անձի ու զույգի ապահովություն: Սակայն Զինվորական խորհուրդը մերժում է, հայտարարելով՝ «Չենք ուզեր ծիծաղելի բլլալ ձեր

աչքին... Ուրֆայի հայությունը պիտի կռվի մինչև վերջին մարզը, ոչ գուք պիտի խնայեք մեզ, և ոչ ալ մենք ձեր գին-վորներուն»<sup>7</sup>:

Բշնամին անցնում է հարձակման, զինվորները «սալավաթ» գոռալով գրոհի են նետվում: Սակայն հայերը կանգնեցնում են նրանց գրոհը, պատճառելով մեծ կորուստներ: Կռվի ընթացքում վիրավորվում է Մ. Յոթնեղբայրյանը: Նրա գործը շարունակում է Հարություն Ռասթեքելյանը: Գոյամարտը զնալով ընդունում է ավելի ու ավելի կատաղի բռնույթ: Երկուստեք զոհեր են լինում, ընկնում են նաև Ռասթեքելյանն ու իր գինակիցները: Մ. Յոթնեղբայրյանը թշնամու ձեռքը շրնկնելու համար խնքնասպան է լինում: Թուրքերը արագացնում են իրենց առաջխաղացումը, սպանում, թալանում ու կողոպտում են հայերին, անարգում կանանց: Գերված հայուհիներից մեկը, որին հրոսակներն ուզում էին մերկացնել ու ծաղրուծանակի ենթարկել, ասում է. «Կեցիք, ես ձեռքովս մերկանամ», և զրպանից հանելով ատրճանակը, գնդակահարում է թուրք սպային և ինքն էլ ընկնում ասկյարների գնդակից:

1915 թ. հոկտեմբերի 23-ին թուրքերը վերջնականապես գրավում են հայերի զիրքերը: Նրանք գերվածների մեծ մասին սրի են քաշում կամ կախաղան բարձրացնում: Քաղաքի 35 հազար հայերից կենդանի են մնում 5 հազարը, որոնց երիտթուրքական իշխանությունները բռնում են Տեր Զորի անապատները:

Արևմտահայերի ինքնապաշտպանական կռիվների նշանավոր գրվագներից մեկն էլ Մուսա լեռան հերոսամարտն էր: Առաջին աշխարհամարտի նախօրյակին հայերն ապրում էին Միջերկրականի ափին ընկած Մուեղիայի գավառի վեց գյուղերում՝ Բիթիաս, Հաջի-Հաբիրլի, Խգրբեզ, Յոզուն-Օլուք, Վազրֆ ու Քերուսին, որտեղ, ըստ որոշ հեղինակների, կար 5000, իսկ ըստ այլոց՝ 6811 մարդ:

1915 թ. դարնանը սուեղահայերը, լսելով հայկական կոտորածների մասին, որոշում են թողնել տուն ու տեղ,

վերցնել գեներերն ու պարենը, բարձրանալ Մուսա լեռը և դիմադրել: Սակայն այդ որոշմանը ենթարկվում են 4231 մարդ, մնացած 2080-ը Բիթիասի բարոզիչ Նոխուսյանի գլխավորությամբ բռնում է տարագրության ճամփան և կոտորվում:

1915 թ. հուլիսի 31-ից սուեղահայերը սկսում են բարձրանալ Մուսա լեռ՝ տանելով իրենց հետ այն ամենը, ինչ կարող էին: Մինչև օգոստոսի 3-ը նրանք ավարտելով իրենց զաղթը, հաստատվում են Թաթար Ալանկ լեռնահովտում: Նրանց բնտրած Զինվորական խորհրդի կազմում մտան Եսայի Յաղուբյանը, Պետրոս Դմլաբյանը, Պետրոս Գալուստյանը, Մարտիրոս Ճանաղյանը և Հակոբ Գարագոզյանը, նախագահ բնտրվեց Եսայի Յաղուբյանը, իսկ տեղակալ՝ Պետրոս Դմլաբյանը:

Մուսալեռցիները գեռ չէին ավարտել իրենց դասավորությունը, երբ օգոստոսի 7-ին թշնամին շարժվեց դեպի նրանց դիրքերը: Սկսվեց ահեղ կռիվ, որը տևեց վեց ժամ: Հայերը թուրքերին տվեցին արժանի հակահարված և հետ շարտեցին: Օգոստոսի 9-ին Սուեղիայի գավառապետը նամակ է ուղարկում մուսալեռցիներին, առաջարկելով հանձնվել: Պատասխան չստանալով, օգոստոսի 10-ին թուրքերը՝ շուրջ 2000 զինվորներով և թնդանոթներով անցնում են նոր հարձակման: Կռիվը տևում է 12 ժամ: Դիրքերը ձեռքից ձեռք են անցնում: Որոշ կետերում թշնամին նեղում է ապստամբներին և զրավում առաջին բնաղիծը: Վիրավորվում է Հակոբ Գարագոզյանը: Երբ զինակիցները նրան ուզում են տանել անվտանգ տեղ, պահանջում է. «Կաղաչեմ, ինձմով մի զբաղվիք: Ես արդեն ինչ որ պիտի րլլամ, եղած եմ. դուր գացեք և թշնամիին զիմադրեցեք: Մանավանդ մի տարա-կուսիք վերջնական հաղթանակի վրա: Մերը պիտի րլլա ան»<sup>9</sup>:

Օգոստոսի 19-ին թշնամին ձեռնարկում է նոր հարձակում՝ ունենալով այս անգամ 3000 կանոնավոր զինվոր և 4000—5000 խամամուծ: Օգտագործելով թանձր մառախուղը, նա զրավում է հայկական որոշ դիրքեր, բայց մուսալեռցիներն արիարար պաշտպանվում են և, անսպասելի հար-

ձակվելով հակառակորդի կենտրոնական դիրքերի վրա, խուճապի մասնում նրան: Կռիվը տևում է 14 ժամ և ավարտվում հայերի հաղթանակով:

Տեսնելով, որ դեմ առ դեմ շեն կարողանում հաղթել հայերին, թուրքերը որոշում են շրջափակել նրանց, զրկելով պարենամթերքի ու ռազմամթերքի աղբյուրներից: Հակառակորդն ուզում է սովի մասնել հայերին, ծնկի բերել և ոչընչացնել նրանց: Սակայն վերջիններս մնում են անդրդվիլի: Ինքնապաշտպանները վերցնում են երկու լայնատարած սավաններ, մեկի վրա գրում. «Քրիստոնյաները վտանգի մեջ են, փրկեցեք», իսկ մյուսի վրա նկարում են մեծ խաչ: Դրանք ամրացնում են «երկու բարձրագիր ծովահայաց բլուրների վրա», կողքին վառում խարույկներ և նշանակում պահակներ, որ, եթե Անտանտի նավերն անցնեն՝ օգնության հասնեն: 1915 թ. սեպտեմբերի 5-ին ֆրանսիական «Կիշեն» ռազմանավը, նկատելով խարույկը, մոտենում է Մուսա լեռան ամիերին ու խարխիլ գցում: Ապա մակույկ է ուղարկում ու վերցնում պահակներին, որոնք բարձրանալով նավ պատմում են իրենց ծանր վիճակի մասին և օգնություն խնդրում:

Սեպտեմբերի 10-ին երևում են ֆրանսիական ռազմանավերը և սկսում ուժրակոծել թուրքերի դիրքերը: Իսկ սեպտեմբերի 14-ին ֆրանսիական «Փաննա զը Արկ» շոգենավը անգլիական ռազմանավերի ուղեկցությամբ, մոտենում է մուսալեռացիներին և վերցնելով բոլորին, տեղափոխում Պորտ Սայիդ: Այդպիսով, թուրքական վանդալիզմից փրկվում են ավելի քան 4000 հայ:

Մուսա լեռան ինքնապաշտպանական մարտերում հայերից, իհարկե, եղան զոհեր, որոնց թվում էին նաև պաշտպանություն ափով կազմակերպիչներ: Սակայն պաշտպանության ղեկավարներին՝ Եսայի Յազուրյանին ու Պետրոս Դմլաբյանին բախտ է վիճակվում ողջ մնալ և, գեղերիով օտար երկինքների տակ, վերջապես ապաստանել Խորհրդային Հայաստանում, մասնակցել իրենց հայրենիքի վերակառուցմանը: Նրանց աճյունը հանգչում է հայրենի հողում:

Մուսա լեռան հերոսամարտը նկարագրված է ավստրիացի անվանի գրող Ֆրանց Վերֆելի «Մուսա լեռան քառասուն օրը» հռչակավոր վեպում, որը թարգմանված է աշխարհի բազմաթիվ լեզուներով:

Ինքնապաշտպանական մարտեր տեղի ունեցան նաև Թուրքիայի հայաբնակ այլ վայրերում՝ Բյուրիքում (Շապին Գարահիսարի գավառ), Սինջարում (Դիարբեքիրի վիլայեթ), Զեյթունում, Ֆրնտրճագում, Կիշևիֆիում, Բերեկոյում (Ադանայի վիլայեթ), Գուվաթ Շափայում (Տրապիզոնի վիլայեթ), Պարտիզակում, Ագ-Տաղում և այլ տեղերում: Հայերը, որքան էլ կռվում էին արիաբար, որտեղ դեպքերում ցուցաբերում նույնիսկ տեական դիմադրություն, այնուամենայնիվ, թշնամու գերազանց ուժերի առաջ հարկադրված էին տեղի տալ:

Երիտթուրքական ոճրագործների դեմ հայ ժողովրդի մրդած կռիվներից ամենանշանավորը, սակայն, Սարգարապատի ճակատամարտն էր: Տեղահանելով ու բնաջնջելով արևմրտահայերին, նրանք ձգտում էին նույն բախտին արժանացնել նաև արևելահայերին: Ուստի, գրավելով էրզրումը, Կարսը և Ալեքսանդրապոլը, թուրքական զորքերը ուղղություն վերցրին դեպի Երևան և 1918 թ. մայիսի 21-ին գրավեցին Սարգարապատ գյուղը:

Արևելահայությունը գլխին կախվեց ահավոր վտանգ: Եվ նա դուրս եկավ օրհասական պայքարի: Պատերազմը ընդունեց համազգային բնույթ, իր մեջ քնդգրկելով հասարակության բոլոր խավերին, առանց որևէ խտրականության: Պայքարի ավանդադրում կանգնեցին ռազմական փայլուն կրթություն ստացած, պատերազմի բովում կոփված, տեսական գիտելիքների հետ փորձ ձեռք բերած մարդիկ: Հարկ է նշել գններալներ Թովմաս Նազարբեկյանին, Մովսես Սիլիկյանին, գնդապետներ Դանիել-Բեկ-Փիրումյանին, Պավել Փիրումյանին, Կ. Հասան Փաշայանին, Մորելիին, Մխիթարյանին, Սալիբեկյանին, Կորոլկովին, Պերեկրյուստովին, Դուրխանյանին, Սիլինին, կապիտաններ Աթանասյանին, Սակելյարիին և ուրիշների:

Սարգարապատի ճակատամարտում արիարար կռվում էին նաև բազմաթիվ արևմտահայեր, որոնք, փրկվելով թուրքական յաթաղանից, անցել էին Արևելյան Հայաստան և համարել իրենց եղբայրների զինվորական միավորումներն ու աշխարհագործը: Երկրի ընդհանուր կյանքը ղեկավարում էր զաշնակցության հայտնի գործիչ թուրքական բռնապետության դեմ պայքարի մեծ փորձ ունեցող, Վանի 1915 թ. հերոսամարտը ղեկավարող, ապա Վանի նահանգապետ, իսկ 1918 թ. մարտին Երևանի տարբեր խավերի կողմից դիկտատոր ընտրված Արամ Մանուկյանը:

Գեներալ Բ. Նազարբեկյանը, իր շտաբով գտնվելով Ղարաբաղիստյում, կարգադրեց այդ օրերին Երևանում գտնվող հայկական 2-րդ դիվիզիայի հրամանատար, գեներալ Մ. Սիլիկյանին էջմիածնի շրջանում կենտրոնացնել անհրաժեշտ ուժեր և կանխել թուրքերի առաջխաղացումը դեպի Երևան: Սիլիկյանը մշակեց ռազմական գործողությունների ճիշտ պլան, մատնանշելով զինվորական ու աշխարհագորային յուրաքանչյուր միավորման անհիվերը<sup>10</sup>:

Շուտով Պավել Փիրումյանը իր գունդը (5-րդ) անվանեց «Մահապարտների գունդ»՝ երգվելով կյանքի գնով փրկել մայր հողը, արժանի հակահարված տալ թուրքերին, ջախջախել ու դուրս վռնդել նրանց հայրենիքի սահմաններից: Թշնամու դեմ պիտի դուրս դար անգամ Գևորգ 5-րդը: Երբ Մ. Սիլիկյանը խորհուրդ է տալիս նրան տեղափոխվել առավել անվտանգ վայր՝ Սևան, կաթողիկոսը պատասխանում է. «Եթե հայկական ուժերն ի վիճակի չեն պաշտպանելու այս սրբազան վայրը, ապա ես ինքս կանեմ այդ, հոգ չէ, թե կզոհվեմ հարազատ Մայր տաճարի շեմին»<sup>11</sup>:

Սարգարապատի գրավումից հետո թուրքական զորամասերը Յազուր Շեքի փաշայի ղլխավորությամբ ուղղություն են վերցնում դեպի Երևան: Սակայն հանդիպում են հայկական միավորումների համառ դիմադրությանը, որոնք հարվածում են թուրքերին ճակատից, թիկունքից՝ պատճառելով կենդանի ուժի ու տեխնիկայի մեծ կորուստներ: Թըշ-

նամին ստանում է համալրումներ, բայց դա չի օգնում նրան:

1918 թ. մայիսի 24-ին գեներալ Մ. Սիլիկյանը գիմում է ժողովրդին. «Հայեր, շտապեցեք հայրենիքն ազատելու: Հասել է ըոպեն, երբ յուրաքանչյուր հայ, մոռանալով իր անձնականը, հանուն մեծ գործի, հայրենիքի փրկության և իր կնոջ ու աղջիկների պատվի պաշտպանության, պիտի գործի գնի իր վերջին ճիգը՝ թշնամուն հարվածելու համար... Հայեր, ժամանակը չի գանդաղելու: Բոլորը պարտական են զենքի տակ գալու: Ես պահանջում եմ բոլորից ներկայանալ իրենց զենքով հայրենիքի պաշտպանության համար...»

Հանուն բազմաշարժար հայ ժողովրդի ֆիզիկական գոյության, հանուն ոտնակոխ եղած ճշմարտության, ոտքի կանգնեցեք, զեպի գործ, զեպի սրբազան պատերազմ»<sup>12</sup>:

Գեներալի այդ կոչն ավելի ոգևորեց հայ ազամարդկանց ու կանանց, որոնք ռազմագաշտում ու թիկունքում կատարեցին նոյ սխրագործություններ: Նրանք թուրքերին հասցրեցին հարված հարվածի հետևից և ստիպեցին բռնել հեռագրածի ճամփան՝ նահանջելով զեպի Ալեքսանդրապոլ: Սակայն, տեսնելով, որ հայերն իրենց շին հեղապնդում, թրշնամին ուժերը վերադասավորելով, նոր հարձակման է անցնում: Արաքս կայարանում վերստին ծավալվում են կատաղի մարտերը, որոնք կրկին ավարավում են հայերի հաղթանակով: Թուրքերը թեպետ դիմադրության փորձեր են անում, սակայն անհաջող: Հայերի հուժկու հարվածների տակ նրանք փախչում են զեպի Ալեքսանդրապոլ: Սիլիկյանը որոշում է շարունակել թշնամու հետապնդումը և ազատազրել նաև Ալեքսանդրապոլը, սակայն զլխավոր հրամանատար Թ. Նազարբեկյանը, զեկավարվելով դաշնակցության ներկայացուցիչների պահանջով, որոնք Բաթումում պայմանագիր էին կնքում թուրքերի հետ, կարգադրում է նրան դադարեցնել պատերազմական գործողությունները:

Այդպիսով, Սարգարապատի ճակատամարտը, որ սկսվեց 1918 թ. մայիսի 22-ին, ավարտվեց մայիսի 29-ին հայերի հաղթանակով: Անշափ մեծ է այդ հաղթանակի նշանա-

կույթները, այն փրկեց արեւիաճայերին բնաջնջումից և իրական պայմաններ ստեղծեց նրանց պետականութեան վերականգնման ու անկախութեան հռչակման համար: Սարգարապատի հաղթանակը, կոտրելով թուրքերի հարձակման թափը, կանգնեցրեց նրանց ներխուժումը Վրաստան ու Թիֆլիս:

Սարգարապատի ահեղ կռիւների ընթացքում երիտթուրքական հրամանատարութիւնը որոշում է ընդունում իր գիւղիգիւղներից մեկը շարժել Բաշ Ապարան, գրավել Երևանը, ապա թիկունքից հարվածել Սարգարապատի պաշտպաններին: Նրա զորամասերը 1918 թ. մայիսի 23-ին էսաս փաշայի զլխավորութեամբ արագորին գործի են անցնում և գրավում Բաշ Ապարանը: Իմանալով այդ մասին, գեներալ Մ. Սիլիկյանը Ապարան է ուղարկում հայկական զորամիավորումներ Դրոշի (Դրաստամատ Կանայան) ղեկավարութեամբ և աշխարհագորայիներ: Թուրքերի դեմ պայքարի են ելնում նաև եզգիները՝ Զահանգիր աղայի զլխավորութեամբ: Մարտերը, ինչպես Սարգարապատում, այնպես էլ Բաշ Ապարանում, ընդունում են կատաղի բնույթ: Ի վերջո մայիսի 29-ին թշնամին զլխովին ջախջախւում է և փախչում դեպի Ալեքսանդրապոլ: Բաթումում դաշնակցականների կնքած պայմանագիրը թուրքերի հետ կանխում է հայկական ուժերի առաջխաղացումը: Եվ նրանք նույն օրը զազարեցնում են ռազմական գործողութիւնները:

1918 թ. մայիսի վերջերին կատաղի կռիւներ տեղի ունեցան նաև Ղարաքիլիսայում: Մայիսի 20-ին թուրքերը գրավեցին Զաջուռը, իսկ 21-ին՝ Վարանցովկա և այլ գյուղեր: Գեներալ Արեշովը շկարողացավ պաշտպանել Զաջուռի լեռնանցքը և նահանջեց դեպի Ղարաքիլիսա: Քաղաքը փաստորեն մնաց անպաշտպան: Բնակիչները փորձեցին հաշտութեան կնքել, բայց Արջուտ գյուղի մահմեդականները հեղինակում ու ջարդի սպառնալիքով ընդունեցին նրանց պատգամավորներին: Վերջիններս վերադարձան և սպասեցին թուրքերին<sup>13</sup>: Սակայն թուրքերը չերևացին, կասկածե-

լով, որ հայերը Ղարաբխիլիսայում ծուղակ են պատրաստել իրենց համար:

Շուտով Սարգարապատի հաղթանակի լուրը հասավ Ղարաբխիլիսա և կյանքի ու նոր պայքարի կոչեց նրա բնակիչներին: Մալխի 23-ին նրանք Մեսրոպ Տեր-Մովսիսյանի ու Համազյանի ղեկավարությամբ հավաքվեցին հանրաժողովի և որոշեցին շարունակել գոտեմարտը: Փողովրդական այդ շարժումը գիտավորելու համար Գիլիջանից Ղարաբխիլիսա եկան գեներալ Նազարբեկյանը, գնդապետներ Սամարցյանը, Բեյ-Մամիկոնյանը, Վիլինսկին և ուրիշներ:

Մալխի 24-ին Թ. Նազարբեկյանը դիմեց ժողովրդին հեռեկալ կոչով՝ «Հայեր, ծանր փորձություն է ապրում մեր ժողովուրդը: Թուրքական բազմազարյան ստրկությունից հետո՝ մեր ժողովուրդը հասկացավ, որ այսպես շարունակել նա այլևս չի կարող և վճռեց՝ կամ գեներալ ձեռքին նվաճել իր ազատությունը ու սնեղծել իրեն համար երջանիկ ապագա, կամ պատվով մեռնել:

Էավ գիտեցեք, որ եթե այժմ գեներալ շկարողացանք պաշտպանել մեր ազատությունն ու ստացվածքը, ապա մենք արժանի շենք գոյություն ունենալու որպես ինքնուրույն ազգ և այն ժամանակ վայ մեզ ու մեր հեանորդներին: Մեր որդիներն ու թոռները միմիայն անեծքով կհիշեն մեզ»<sup>14</sup>:

Այնուհետև Նազարբեկյանը դասավորում է հայկական ուժերը, հանձնարարելով յուրաքանչյուրին նրա անելիքը: Մալխի 25-ին սկսվում է կռիվը և ավարտվում հայերի հաղթանակով: Թշնամին հաճանջում է տալով մեծ կորուստներ: Սակայն, ստանալով համալրումներ, նա նոր հարձակում է ձեռնարկում: Հայերը դիմադրավում են՝ սրմբակոծելով հակառակորդի դիրքերը: Ծակատամարտը գառնում է ավելի ու ավելի կատաղի, թուրքերը ձգտում են նվաճել նոր դիրքեր, բայց դա նրանց չի հաջողվում: Գոյամարտի երկրորդ օրը նույնպես ավարտվում է հայերի հաղթանակով: Քաջության անգնահատելի օրինակներ են դրսևվորում կապիտան Գուրգեն Տեր-Մովսիսյանը, գնդապետ

Հովսեփ Սամարցյանցը, գնդապետ Ղորղանյանը, Հովսեփ-  
յանը և ուրիշներ: Հերոսի մահով զոհվում է Գուրգին Տեր-  
Մովսիսյանը:

Սակայն մայիսի 27-ին թուրքերը, ստանալով մեծ հա-  
մալրումներ, նոր հարձակման են անցնում, որին հայերը  
չեն կարողանում դիմադրել: Հայկական զորամասերն օգնու-  
թյուն չեն ստանում, սկսում են գործել անկազմակերպ,  
սաղմամթերքի մեծ կարիք են զգում: Թուրքերը ներխուժում  
են Ղարաքիլիսա: Նրանց հրամանատար Զևիդ փաշան թևե  
խոստանում է պահպանել կարգ ու կանոն, բնակիչների կյան-  
քըն ու ունեցվածքը, սակայն թուրք ասկյարներն սկսում են  
անխնա սպանել ու թալանել հայերին, անարգել ու խոշ-  
տանգել նրանց: Դահլիճները սրատում ու գնդակահարում  
են հազարավոր հայ զինվորների ու խազաղ բնակիչների:  
Նույն րախտին են արժանանում նաև շրջակա Ղշլաղի,  
Հաջր Ղարանի, Բլովդղալի ու Վարդանլիի բնակիչները:

Թուրքերի հաղթանակը Ղարաքիլիսայում պայմանա-  
վորված էր ամենից առաջ թվական գերակշռությամբ: Նրանք  
ունեին շուրջ 10 հազար զինվոր ու 40 զնդացիր, մինչդեռ  
հայերը՝ 7 հազար զինվոր ու 20 զնդացիր: Դաշնակցության  
պատվիրակությունը, Բախումում երիտթուրքերի հետ վարե-  
լով հաշտության բանակցություններ, իր զիջողական գոր-  
ծունեությամբ խանգարում էր հայոց դիմադրությանը թրշ-  
նամուն, իսկ հաճախ նաև կազմալուծում այն:

Սակայն հայ զինվորները, ինչպես Սարգարապատում  
ու Բաշ Ապարանում, այնպես էլ Ղարաքիլիսայում, զրսեռ-  
րեցին քաջություն ու հայրենասիրություն, կատարելով սրխ-  
րագործություններ և հաճախ՝ պարտության մատնելով ու  
ջախջախելով ուժեղ թշնամուն: Մարշալ Հ. Բաղրամյանը  
իր հուշերում մեջբերում էր թուրքական զորավար Վեհիբ  
փաշայի այն խոսքերը, թե «Ղարաքիլիսայի տակ հայերը  
ցույց են տվել, որ նրանք կարող են լինել աշխարհի լավա-  
գույն զինվորները»<sup>15</sup>:

Դժվար է ստույգ պատասխանել այն հարցին, թե որ-  
քան էր կովող կողմերի զոհերի թվաքանակը: Պատմագիտա-

կան գրականութեան մեջ այն կարծիքը կա, որ թուրքերի կորուստները միայն Սարգարապատում կազմում էին 3500, իսկ հայերինը միայն Ղարաքիլիսայում՝ 8000 մարդ: Հնարավոր է, որ այդ տվյալները մոտ են իրականութեանը: Պատերազմը տեղի էր ունենում հայկական հողի վրա, և բնական է, որ հայերի կորուստները մեծ կլինեին:

Համենայնդեպս հայ ժողովրդի պայքարն իդուր շանցավ: Հայաստանը թեև մնաց փոքրածավալ (շուրջ 10000 քառ. կմ), այնուամենայնիվ պահպանեց իր գոյությունը, իսկ հետագայում, բարենպաստ պայմանների հետևանքով, ընդարձակվեց, միակցելով իրեն իր պատմական մի շարք տարածություններ:

Արևմտահայերի գիմադրողական կռիվները շարունակվեցին նաև առաջին համաշխարհային պատերազմի ավարտից հետո՝ հատկապես Կիլիկիայում: Հրապուրվելով Անգլիայի ու Ֆրանսիայի տված հայանպաստ խոստումներով, նրանցից շատերը մտան դեռ պատերազմի տարիներին Պաղեստինում կազմված այդ տերութունների Արևելյան լեզիոնի մեջ և արիարար կռիվեցին թուրքերի դեմ: Սակայն հետագայում այդ պետությունները, մերձենալով Թուրքիային ու կնքելով նրա հետ իրենց համար շահավետ պայմանագրեր, լքեցին հայերին, թողնելով նրանց բախտի կամքին<sup>16</sup>: Իսկ Թուրքիայի նոր կառավարիչները՝ քեմալականները, օգտագործելով այդ հանգամանքը, շարունակեցին հայերի կոտորածները Կիլիկիայում, ուր պատերազմից հետո վերագործել էին բազմահազար հայեր և սկսել էին վերակառուցել ու վերանորոգել իրենց ավերված գյուղերն ու քաղաքները: 1920 թ. հունվարին քեմալականները հարձակվեցին Մարաշի վրա: Մարաշիները փորձեցին զենք վերցնել հեռացող ֆրանսիացիներից և գիմել ինքնապաշտպանություն, սակայն վերջիններս իրենց զենքերը հանձնեցին թուրքերին: Այնուամենայնիվ մարաշիները Մուսա լեռան գոյամարտի հրաշակավոր ղեկավարներից մեկի՝ Պետրոս Տմիլաքյանի գլխավորությամբ հավաքեցին իրենց ուժերը և գիմազրավեցին

թշնամուն: Բայց պարտվեցին: Տմլաբլանը հերոսաբար զոհվեց, բնկան նաև շատերը:

1920 թ. մարտին քեմալականները փորձեցին սրի քաշել նաև Հաճրնում վերահաստատված 6000 հայերի: Հաճրնցիները Սարգիս Ծեպեճյանի գլխավորությամբ դիմեցին ինքնապաշտպանության: Թշնամին ամիսներ շարունակ չըկարողացավ կոտրել նրանց դիմադրությունը: Հաճրնցիների ուժերը գնալով թուլանում էին: Նրանք դիմում են ֆրանսիացիների օգնությանը, բայց սրանք, կնքելով Թուրքիայի հետ բարեկամական պայմանագիր, մերժում են: Հաճրնցիները դիմում են քաղաքակիրթ աշխարհին, սակայն ապարդյուն: Ապավինելով սեփական ուժերին, նրանք արիաբար շարունակում են պայքարը: Բայց հսկաներին քեմալականները մեծ զորամիավորումներով ներխուժում են Հաճրն և սրի քաշում բոլորին: Նրանք Սարգիս Ծեպեճյանին ձերբակալում են, իսկ հետո զխատում:

Ինքնապաշտպանական մարտերի պատմության մեջ փայլուն էջեր գրեցին նաև Այնթապի հայերը, որոնց թիվը 1919 թ. կազմում էր 17000 մարդ: Իմանալով Մարաշի կոտորածների լուրը, նրանք Ներսես քահանա Թավուճյանի, Ատուր Լեոնյանի և Ավեաիս Գալեմբարյանի գլխավորությամբ ձեռնամուխ եղան ինքնապաշտպանության: 1920 թ. ապրիլի 1-ին քեմալականներն անցան հարձակման: Բայց այնթապցիները հեռ շարակցին նրանց: Թշնամու դեմ դուրս եկան բոլոր խավերի, կուսակցությունների, տարիքի ու սեռի մարդիկ, գործելով «Մահ, կամ ազատություն», «Պատվավոր մահը պարծանք է, անպատիվ փրկությունը՝ ստորություն» նշանաբաններով: Այնթապցիների զոչապայքարը տևեց 1920 թ. ապրիլի 1-ից մինչև 1921 թ. փետրվարի 8-ը, սակայն թշնամին հաղթեց և դաժան դատաստան տեսավ նրանց հետ:

Ինքնապաշտպանական մարտերը հաջ ժողովրդի պատմության փառապանծ գրվագներից են: Նրանք ցույց տվեցին մեր ժողովրդի կենսունակությունը, թշնամու դեմ մաքառե-

լու պատրաստակամութիւնը և հարատեւելու կամքը: Այդ մարտերն ապացուցեցին, որ հայերը, երբ դիմադրում էին թշնամուն, ավելի քիչ էին կոտորվում, քան այն ժամանակ, երբ հանձնվում էին նրա ողորմածութեանը:

## Հ Ե Տ Ե Վ Ա Ն Ք Ն Ե Ր Ը

Յեղասպանութիւնը ծանր նստեց հայ ժողովրդի վրա: Նա զրկվեց իր հայրենիքի տարածքի շուրջ 90 տոկոսից և ունեցած նյութական հսկայական կորուստներ. արևմտահայերը՝ 14.598.460 հազար, իսկ արևելահայերը՝ 4.352.472 հազար, բնդամենը՝ 19.130.932 հազար ֆրանկ<sup>1</sup>: Հափշտակվեցին կամ հրկիզվեցին ու ավերվեցին հայ մարդկանց արքնաջան աշխատանքով կառուցած տներ, ճարտարապետական հին ու նոր հուշարձաններ: Անդառնալիորեն ոչնչացվեցին ձեռագրեր, որոնք անգնահատելի տեղեկութիւններ էին պարունակում հայ և այլ ժողովուրդների մասին:

Հայ ժողովուրդը ունեցած մարդկային մեծ կորուստներ: Իթթիհատական եղեռնագործները առաջին աշխարհամարտի նախօրյակին Ռուրբիայում եղած ավելի քան 2.500 հազարից կոտորեցին ըստ սրոշ հեղինակների՝ 1 միլիոն, ըստ այլոց՝ 1,5 միլիոն, նույնիսկ՝ 2 միլիոն: Ազգյուրներին մոտիկից ծանոթութիւնը հիմք է տալիս հաստատելու, որ այդ տվյալներից ավելի հավանականը 1,5 միլիոնն է:

Գահիճները սրի քաշեցին ու կայսրութիւնից վտարեցին բազմահազար հայ գյուղացիների, արհեստավորների, առևտրականների, մտավորականների, այդ թվում՝ այնպիսի նշանավոր մասնագետների, որոնք ճանաչված էին Ռուրբիայում, յուրջ դեր էին խաղում նրա ժողովրդական տնտեսութեան, հասարակական-քաղաքական կյանքում:

Առաջին համաշխարհային պատերազմի նախօրին աշխարհում հաշվվում էր 4,5—5 միլիոն հայ, որը համադրելով արևմտահայերի վերոհիշյալ կորուստների թվաքանակին, այսինքն՝ 1,5 միլիոնին, ստացվում է 30—33 տոկոս: Եթե հաշվի առնենք, որ պատերազմի տարիներին Ռուրբական

հորդանները Անգրիտովկաս ներխուժելիս սրի քաշեցին նաև արևելահայության մի մասին, այդ տակոսը կարող է հասնել 35-ի: Անմեղ ժողովուրդը կորցրեց իր բնդհանուր թվաքանակի ավելի քան 1/3-ը, մինչդեռ պատերազմի հանցագործ պետությունները՝ Գերմանիան, Անգլիան, Ֆրանսիան՝ 1—8 տակոսը:

1915 թ. օգոստոսի 31-ին Թալիաթ փաշան հայտարարեց, որ ինքն ու իր գործընկերները Հայկական հարցը լուծեցին երեք ամսում, ինչը Սուլթան Համիդ 2-րդին շէր հաջողվում 30 տարվա ընթացքում: Դա լկտի ճշմարտություն էր:

1927 թ. Արեմտյան Հայաստանում հաշվվում էր 4195 հայ, որոնք բնակվում էին Բիվլիսում, Դիարբեքիրում, Խարբերդում և այլ քաղաքներում<sup>2</sup>:

Հայ ժողովրդական զրիժառուներն արժանին հատուցեցին Թուրքիայից փախած և Եվրոպայի տարրեր երկրներում թաքնված Թալիաթին ու նրա ոճրագործ զինակիցներին: 1921 թ. մարտի 15-ին Բեռլինում Սողամոն Բեհլիրյանը սպանեց Թալիաթին, նույն թվականի դեկտեմբերի 6-ին Հոսմում Արշավիր Շիրակյանը՝ Սաիդ Հալիմին, 1922 թ. ապրիլի 17-ին Բեռլինում Արամ Երկանյանը և Արշավիր Շիրակյանը՝ Բեհաեզգին Շաքիրին և Ջեմալ Ազրմին, 1922 թ. հունիսի 25-ին Բիֆլիսում Պեարոս Տեր-Պողոսյանը և Արտաշես Գևորգյանը՝ Ջեմալին: Էնվերը կարողացավ ծլկել Բեռլինից Միջին Ասիա և, անցնելով բաամաշների գլուխ, փորձեց իրագործել իր պանթուրանական ցնորամիտ երազանքները, բայց 1921 թ. պարտություն կրելով խորհրդային բանակի դեմ վարած կռիվներում, Աֆղանստան փախչելու ճանապարհին ընկավ կարմիր զինվորների գնդակից: Ուշագրավ է, որ 1921 թ. հունիսի 2—3-ին Բեռլինում, երբ տեղի ունեցավ Սողամոն Բեհլիրյանի դատավարությունը, կատարվեց դատավարությունների միջազգային պատմության մեջ աննախադեպը, Ա. Վեգների խոսքերով ասած. «Փաստերի ծանրությունը տակ տառապող ու լուսկյաց զոհը ակամայից դարձավ մեղադրող և մեղադրյալի աթոռին այլևս չկա Բեհլիր-

յանը, այլ կա արյունոտ շտ ննջեցյալի ստվերը, այնպիսի խորհրդավոր իրավիճակի խորիմաստ հաստատում, երբ մեղավոր է ոչ թե սպանողը, այլ սպանվածը»<sup>3</sup>։ Դատարանը ազատ արձակեց Ս. Բեհշիրյանին։

Արևմտահայության շուրջ 1 միլիոն ողջ մնացած բեկորները տարագրվեցին իրենց հայրենիքից աշխարհի տարբեր երկրներ։ Դրա հետևանքով առաջացավ Հայկական սփյուռքը։ Այդ բեկորները նոր պայմաններում կրեցին սոցիալ-հոգեբանական լուրջ փոփոխություններ։ Գյուղացիները հարկադրված եղան թողնել իրենց պապենական երկրագործությունը և զբաղվել արհեստագործությամբ, առևտրով կամ բանվորությամբ, վարձվելով սովորաբար ծանր ու ցածր վրձարվող աշխատանքներում։ Իսկ քաղաքացիները հնարավորության սահմաններում շարունակեցին զբաղվել իրենց արհեստներով, հարստացնելով տեղական արդյունաբերությունը նոր ճյուղերով։ Նրանց աշխատանքի արդյունքները հաջողությամբ իրացվում էին նոր սպառողների կողմից։

Տարագիրները կանգնեցին նաև ուժացման փաստի առաջ։ Նրանցից շատերը հարկադրված էին թողնել մայրենի լեզուն և խոսել հյուրընկալ երկրի լեզվով։ Իսկ Թուրքիայում մնացած հայերը, վախենալով կոտորածների սարսափներից, պետք է մոռանային հայերենը և խոսեին թուրքերեն, պետք է թողնեին ազգային վարքն ու բարբերը, քրիստոնեությունը և բնդունեին մահմեդականություն։

Սակայն տարագրված հայության մեծ մասը, պահպանելով մայրենի լեզուն և ազգային սովորույթները, շարունակում էր հուսալ, թե մեծ տերությունները երբեք կլուծեն Արևմտյան Հայաստանի հարցը և իրենց հնարավորություն կտան վերագառնալու հայրենիքը։ Սփյուռքահայության բախտը իրենց ձեռքերում վերցրեցին հայ հոգևորականներն ու ազգային կուսակցությունները։ Նրանք մայրենի լեզուն պահպանելու և հայրենիքը շնորհալու համար հիմնեցին հայկական դպրոցներ ու մշակութային-կրթական այլ հաստատություններ, հրապարակեցին հայրենի երկրամասերի մասին հուշագրություններ և ուսումնասիրություններ, հա-

վաթեցին ու լույս բնծայեցին բազմաթիվ փաստաթղթեր Հայկական հարցի վերաբերյալ՝ նպատակ սենսիալով ներկայացնել դրանք միջազգային հասարակայնությանը և պահանջել հարցի արդար լուծում: Ազգային այդ հաստատությունները գործնական կապեր հիմնեցին Խորհրդային Հայաստանի հետ, և 1921 թ. ստեղծվեց Հայաստանի օգնության կոմիտեն (ՀՕԿ): Այն գոյատևեց մինչև 1937 թ. և լուծարվեց ստալինյան բռնությունների սաստկացման հետևանքով:

Սփյուռքահայ կուսակցությունները շարունակեցին րդբազմել հայկական դատով, փորձելով նրա լուծումը կապել մեծ տիրությունների հայանպոստ քաղաքականության կամ համաշխարհային գեմոկրատական շարժումների հետ: Զանազան առիթներով նրանք դիմեցին այդ տերություններին և միջազգային կազմակերպություններին, սակայն ապարդյուն:

Սփյուռքի հայ երիտասարդության մի մասը եկավ այն ելրակացություն, որ քաղաքական եղանակով անհնար է լուծել հայկական հարցը, անհրաժեշտ է դիմել ավելի գործուն միջոցների, այն է՝ ահաբեկել Թուրքիայի արտասահմանյան դիվանագիտական ծառայողներին և հասկացնել այդ երկրի ու մյուս տերությունների ղեկավարներին, որ հայ ժողովուրդը երբեք չի մոռանա իր հարցը, որ այն պետք է անհապաղ լուծել: 1973 թ. ստեղծվեց «Հայաստանի ազատագրության հայ գաղտնի բանակ» (ՀԱՀԳԲ) կազմակերպությունը, որը կատարեց ահաբեկչական գործողություններ, սպանեց արտասահմանյան երկրներում մի շարք թուրք դիվանագետների ու պաշտոնական անձանց, զոհվեցին նաև ահաբեկիչներից ոմանք: 1984 թ. ՀԱՀԳԲ-ն դադարեցրեց իր ահաբեկչական գործողությունները:

Հայաստանի անկախություն հռչակումից հետո հայրենիքում ստեղծված ազգային կուսակցությունները հայտարարեցին իրենց տեսակետները Հայկական դատի մասին: Դաշնակցականները պահանջում են համախմբել բոլոր հայերին իրենց հայրենի ամբողջական հողերի վրա՝ ստեղծելով

միացյալ ու մեկ հայություն, միացյալ ու մեկ Հայաստան<sup>4</sup>: Հնչակյանները դառնում են, որ պետք է ազատագրել հայոց պատմական հողերը, համախմբել դրանք Հայաստանի Հանրապետության շուրջը և մոտ ապագայում ստեղծել «Համահայկական-միասնական ազատ ու անկախ պետականություն՝ Հայաստան պետություն»<sup>5</sup>: Ռամկավար-ազատական կուսակցության նպատակն է՝ «պաշտպանել հայ գաղթը՝ հետապնդելով հայերի ցեղասպանության միջազգային ճանաչումը», հասնել հայ ժողովրդի «պատմական հայրենիքի ազատագրությանը...»<sup>6</sup>: Հայաստանի կոմկուսի ծրագրի գլխավոր խընդիրներից մեկն է «...Քուրբական կառավարության կողմից իրագործված հայերի ցեղասպանության միջազգային ճանաչումը...»: Այն պայքարում է «Հայկական հարցի արգարացի լուծման համար...»<sup>7</sup>: Հայոց համազգային շարժման ծրագրում հայկական հարցը դիտվում է սփյուռքահայության խնդիրների հետ կապված միայն:

Այդպիսով, հայոց ցեղասպանությունը, լինելով համազգային մեծագույն ողբերգություն, տասնամյակներ շարունակ մտահոգել է հայ հասարակայնության բոլոր խավերին: Նրանք համառորեն պայքարել են, պայքարում են և կպայքարեն հայկական գաղթի լուծման համար, մանավանդ, երբ այն ունի ոչ միայն ազգային, այլև համամարդկային նշանակություն: Ոճրագործության արդարացի հատուցումը դաս կլինի այն սև ուժերի համար, որոնք կփորձեն կատարել այդ քայլը և կատիպի նրանց ազգամիջյան հակասությունները լուծել ոչ թե սրով ու արյունով, այլ քաղաքական ճանապարհով:

Ի՞նչ հետևանք ունեցավ հայոց ցեղասպանությունը Քուրբերի և Քուրբիայի համար: Քուրբական աշխարհիկ, գլխավորական և հոգևոր վերնաշերտերը, հայերին թալանելով ու կոտորելով, հարստացան: Հարստացավ նաև խուժանը, որը, դնալով օսմանյան զորամասերի հետևից, նետվում էր նրանց գոհերի վրա և կողոպտում: Կարճ ժամանակամիջոցում հայոց ունեցվածքի հափշտակման ճանապարհով առաջացան նոր ազաններ ու բեգեր, որոնց անունները հռչակվե-

ցին իրենց դավառներում ու նրանց սահմաններից դուրս: Հայերի հողերի ու շարժական գույքի բռնագրավումներով հարուստացան նաև թուրք ու քուրդ բազմաթիվ գյուղացիներ: Կիսաքոչվորներից ու քոչվորներից շատերն անցան նստակեցութեան, փոխարինելով իրենց թափառաշրջիկ, հնամենի վրանները հայոց հարմարավետ տներով:

Սակայն պատերազմից ու հայոց ցեղասպանութունից շահեց թուրք ու քուրդ բնակչության մի մասը, մյուսը, որոնց գյուղերը դարձան ռազմական գործողութունների թատերաբեմ, լրջորեն տուժեց: Խնդիրն այն է, որ այդ երկրում, հատկապես նրա հայաբնակ վայրերում, հայ գյուղացիները մեծ դեր էին խաղում գյուղատնտեսության զարգացման գործում: Նրանք հանդիսանում էին այդ բնագավառի առաջատարները: Սրի քաշելով հայերին, թուրք ու քուրդ ջարդարաները նրանց ծաղկուն դաշտերը դարձրեցին իրենց անասունների արոտավայրեր, որի հետևանքով երկրագործութունըն իջավ վաշկատունահան մակարդակի:

Այդպիսին էր վիճակը նաև արդյունաբերության ճյուղում, ուր արեմտահայերը նույնպես առաջնակարգ դեր էին խաղում: Բավական է նշել, որ 1912 թ. նրանց էր պատկանում Օսմանյան կայսրության արդյունաբերական ձեռնարկութունների 20 տոկոսը, իսկ թուրքերին՝ 15 տոկոսը: Առևտրի ասպարեզում հայ վաճառականները 1912 թ. Թուրքիայի 215 խոշոր քաղաքներում կազմում էին բոլոր վաճառականների 22,9 տոկոսը և հույներից հետո գրավում էին երկրորդ տեղը<sup>8</sup>: Հայ վաճառականները հաստատված էին կայսրության շատ քաղաքներում, հատկապես Կ. Պոլսում ու Զմյուռնիայում: Նրանք Եվրոպայից բերում էին արդյունաբերական ապրանքներ, իսկ Թուրքիայից արտահանում գերազանցապես գյուղատնտեսական մթերքներ և նպաստում հետամնաց Օսմանյան կայսրության մերձեցմանն աշխարհի առաջավոր երկրների հետ, օգնում ու օժանդակում էին նրա առաջընթացին: Հասկանալի է, որ իթիհատական դահիճները, սրի քաշելով հայ արհեստավորներին ու առևտրականներին, էապես խաթարեցին այդ գործը:

Երիտթուրքական ոճրագործները ընաշնջելով արևմտահայությանը, ոչ միայն փառք ու պատիվ շրեքեցին իրենց երկրին, այլև ամոթի ու խայտառակության անշնջելի դրոշմ դրեցին նրա վրա:

Անցնելով իշխանության գլուխ, Թուրքիայի նոր կառավարիչները՝ բեմալականներն, իրենց երկրի հեղինակութունը փրկելու և երիտթուրքերին հիմնավորապես մերկացնելու համար 1919 թ. փետրվարին Կ. Պոլսում կազմակերպեցին նրանց դատավարութունը՝ ներկայացնելով հայրենիքի դավաճանության, Թուրքիան պատերազմի մեջ նետելու և հայերի զանգվածային ջարդեր կազմակերպելու մեղադրանքները: Դատը վարում էր գինվորական տրիբունալը՝ գեներալ-լեյտենանտ Մուստաֆա Նազըմ փաշայի նախագահությամբ: Պրոցեսը սկսվեց 1919 թ. ապրիլի 27-ին և ավարտվեց հունիսի 26-ին: Դատավճռում, ի թիվս այլ որոշումների, արձանագրվում էր նաև, որ երկրի մի շարք շրջաններում հայկական կոտորածները «կազմակերպվել ու ղեկավարվել են «Միություն և առաջադիմություն» կուսակցության կողմից»: Ապացուցված համարելով այդ կուսակցության պարագլուխների հանցագործությունները, դատարանը միաձայն վրձնում է Թուրքիայի կառավարության նախկին վարչապետ Սաիդ Հալիմին, ներքին գործերի նախարար Թալեաթին, ռազմական գործերի նախարար էնվերին, ծովային նախարար Զեմալին, իսթիհատի պիսավոր քարտուղար և լուսավորության նախարար Նազըմին, երիտթուրքական կենտկոմի անգամ «Թեշքիլատթը մահսուսեի» նախագահ Բեհհաճեզին Շաքիրին, Տրապիզոնի վիլայեթի կուսակալ Զեմալ Ազըմին և այլոց, հեռակա կարգով ենթարկել մահապատժի, իսկ մրյուտ եղեռնագործներին՝ տարբեր ժամկետների բանտարկության<sup>9</sup>: Քեմալականները, թեև դատապարտեցին երիտթուրքերի կողմից կազմակերպված հայոց կոտորածները, սակայն շուտով իրենք, ինչպես ասվեց, իրագործեցին նոր ջարդեր Կիլիկիայում ու Թուրքիայի այլ վայրերում:

ՊԵՏՈՒԹՅՈՒՆՆԵՐԻ, ՄԻՋԱԶԳԱՅԻՆ ԿԱԶՄԱԿԵՐՊՈՒԹՅՈՒՆ-  
ՆԵՐԻ ԴԻՐՔՈՐՈՇՈՒՄԸ ԵՎ ՀԱՅԵՐԻ ՅԵՂԱՍՊԱՆՈՒԹՅԱՆ  
ՀԱՄԱՇԽԱՐՀԱՅԻՆ ՃԱՆԱԶՄԱՆ ԽՆԴԻՐԸ

Հայերի ցեղասպանության հարցում մեծ տերությունների և մասնավորապես հվրոպական տերությունների դիրքորոշումը բնութագրվում է որպես թուրքական կառավարողների գործողությունների թողտվության և շմիջամտելու քաղաքականություն: Յո. Լեպսիուսի դիպուկ բնորոշմամբ «Հայկական հարցը բնածին տունի չէ: Այն հվրոպական դիվանագիտության պտուղն է... դիվանագիտական շախմատային խաղում... հայը հանդիսացել է զինվոր, որին մերթ առաջ են մղել, մերթ զոհարել: Մարդասիրության պատճառաբանություններն ու «քրիստոնեական հովանավորությունը» միայն դիմակ էին»<sup>1</sup>:

Բոլոր տերությունների շարքում հայերի ցեղասպանության զխավոր մեղսակիցը կալերական Գերմանիան էր: Կալերական Գերմանիայի դիրքորոշումը Հայաստանի և հայության նկատմամբ բացահայտորեն շարադրված է արտաքին գործերի նախարար Ա. Յիմմերմանի հետևյալ հայտարարության մեջ. «Ըստ էության, հայերը պետք չեն Գերմանիային: Հայերով բնակեցված Հայաստանը վնասաբեր է նրա շահերին...»<sup>2</sup>: Գերմանական կառավարողների նման դիրքորոշմամբ էլ պայմանավորված էր նրանց վարքագիծը հայերի ցեղասպանության նկատմամբ:

Գերմանացի հայտնի արևելագետ Յո. Մարկվարտը իրավացիորեն նշել է, որ հայերի ցեղասպանության հարցում «առավել ծանր է Ռայխստագի պատասխանատվությունը»<sup>3</sup>: Հայերի ցեղասպանության պատասխարամանն ու կալերական Գերմանիայի մեղսակցությանն է նվիրված Յո. Լեպսիուսի մեծածավալ աշխատությունը՝ «Գերմանիան և Հայաստանը»<sup>4</sup>, որտեղ զետեղված է շուրջ 500 դիվանագիտական փաստաթուղթ: Բացի դրանից, մեկ ուրիշ աշխատության մեջ Յո. Լեպսիուսը, դիմելով կալերական Գերմանիայի կառավարիչներին, մեղադրելով նրանց հայերի ցեղա-

սպանության մեղսակցութեան մեջ, հայտարարում էր. «Եթե դուք մեղավոր չեք, ապա ապացուցեք, որ մեղավոր չեք»<sup>5</sup>:

1916 թվականի հունվարի 27-ին Կառլ Լիբկնիխտը ի լուր աշխարհի հայտարարեց. «Թուրքական կառավարությունը կազմակերպեց հայերի սարսափելի ջարդերը: Ամբողջ աշխարհը դիտե այդ մասին և դրա համար մեղադրվում է Գերմանիան, քանզի Կոստանդնուպոլսի կառավարությունը հրամայում էին գերմանական սպաները»<sup>6</sup>:

Ցեղասպանութեան ականատես, գերմանական հայտնի հրապարակախոս Հարրի Շտյուրմերը իրավացիորեն մեղադրում է գերմանական կառավարությունը այդ հակահումանիտական քաղաքականության մեջ, քանզի այլ կերպ չի կարելի բնութագրել Գերմանիայի գործողությունները հայ ժողովրդի նկատմամբ<sup>7</sup>: 2. Շտյուրմերը 1915—1916 թվականներին աշխատելով Կոստանդնուպոլսում որպես «Kölnische Zeitung»-ի թղթակից, փաստագրական հատուկ գիրք է գրել «Պատերազմական երկու տարի Կոստանդնուպոլսում» վերնագրով, որի 3-րդ գլուխը ամբողջապես նվիրված է արևմտահայության դեմ երիտթուրքերի կազմակերպած և իրականացրած աննախագեղ ոճրագործությունների նկարագրմանն ու դատապարտմանը: Սարսափազդու է գրքի այն մասը, որտեղ նկարագրվում է Կոստանդնուպոլսի հայերի նկատմամբ թուրքական իշխանությունների ոճրագործությունները, որոնց ականատես է եղել նրա կինը, որը պատմել է. «Եթե այդպիսի տեսարաններ տեղի են ունենում կեսօրին, ամենաուժեղ երթևեկության ժամին եվրոպական Պերայի կենտրոնում, ամենաշատ բանուկ փողոցում, ուրեմն ևս կուզենայի իմանալ, թե ինչ են անում թուրքերը այդ խեղճ հայերի հետ երկրի գեւեսս բուլբուլին վայրի հեռավոր շրջաններում: Եվ, եթե թուրքերը վարվում են այստեղ՝ մայրաքաղաքում վայրի գազանների նման, այն ձևով, որ եվրոպացի կիներ չի կարող գնալ եվրոպական թաղամասի կենտրոնական փողոցով առանց ենթարկվելու նյարդային ցրնցման, ուստի ևս չեմ կարող այլևս ապրել այս սարսափելի երկրում»: Եվ ամեն անգամ, որ նա փողոց էր դուրս գալիս,

արտասովահեղձ, իրեն կորցնելու շափ ըմբոստացած այն ամենից, որ նա տեսել էր մի տարուց ավելի, մոլորում էր՝ «Դուք՝ գերմանացիներդ, ոճրագործներ եք, ստոր հանցագործներ եք, դուք, որ հանդուրժում եք, նման գազանություններ թուրքերի մոտ, դուք, որ ձեր լրիվ հսկողութեան տակ եք վերցրել ամբողջ երկիրը, դուք մարդասպաններ եք, և այլևս երբեք ոտք չեմ դնի ձեր անիծյալ երկիրը: Ախ, Աստված իմ, որքան հմ ատում Գերմանիան»: «Սկսած այդ պահից, — այնուհետև գրում է Շտյուրմերը, — երբ իմ հարազատ կիներ այգբան ստորությունից վրդովված, ըմբոստացած և զզված, դողահար և արտասովաթաթախ իմ դեմքին շարտեց այս անեծքը, ևս բոլոր իմ կապերը խզեցի Գերմանիայի հետ»<sup>8</sup>:

Ակադեմիկոս Ե. Տառլին, իրավացիորեն գատապարտելով կայզերական Գերմանիայի մեղսակցությունը հայերի ցեղասպանությանը, գրել է. «Գերմանացի հյուպատոսները, միսիոներները, զինվորականներն ու քաղաքացիական անձինք գժկամորեն, գուսպ կերպով (չէ՞ որ Թուրքիան կարեւոր դաշնակից էր) իրենց կառավարությանը իրազեկ էին պահում պլանաշափորեն իրագործվող անլուր և անհամար զանվածային կոտորածների մասին, սակայն ոչ Վիլհելմը, ոչ Բեթման Հոլվեգը հարկ չէին համարում միջամտելու Գերմանական իշխանությունների մի խոսքը բավական էր կանգնեցնելու ջարդերի երկու ղեկավարներին՝ Թալեաթ փաշային և էնվեր փաշային»<sup>9</sup>:

Այո՛, կայզերական Գերմանիան բոլոր տերությունների շարքում ամենամեծ մեղսակիցն է հայերի ցեղասպանությանը:

Պաշտոնական Անգլիայի ավանդական քաղաքականությունը լիովին հաստատում է նաև նրա մեղսակցությունը հայերի ցեղասպանությանը: Դրա համար կան բազմաթիվ փաստաթղթեր ու վկայություններ: Անգլիայի նշանավոր պետական գործիչ, պրեմիեր մինիստր (1917—1922 թթ.) Լլոյդ Զորջը իր հուշագրություններում «Հայաստանը մեր գոհն է»

վերնագրի տակ խոստովանել է. «Հայաստանը զոհաբերվել է մեր կողմից պատրաստած հաղթական զոհասեղանին»<sup>10</sup>: նա մատնանշել է, որ «Բրիտանական կառավարության քաղաքականությունը ճակատագրական անխուսափելիություններ հանդես էր բերում 1895—1897 և 1909 թվականների սարսափելի սպանդներին և 1915 թվականի ահավոր կոտորածին»<sup>11</sup>: Արգարանալու նպատակով նա նշել է, որ Անգլիան պետք է «քավի իր ծանր մեղքը»<sup>12</sup>:

Երբ ցեղասպանության ժամանակ առանձին հայ մտավորականներ դիմում էին անգլիական կառավարող շրջաններին ու դիվանագետներին՝ արևմտահայությունը օգնություն ցույց տալու խնդրանքով, նրանք միայն իրենց ցավակցությունն էին հայտնում: Այդ կապակցությամբ բնորոշ է անգլիական դիվանագետներից մեկի հեղինական արտահայտությունը. «Հենց որ մեզ հաջողվի Արարատի գազաթ հասցրնել մեր նավերը, այդ ժամանակ էլ կցուցաբերվի մեր օգնությունը»<sup>13</sup>:

Ֆրանսիական կառավարությունը հայերի ցեղասպանության հարցում, ինչպես XIX դարի 90-ական թվականներին, այնպես էլ առաջին աշխարհամարտում հանդես չի եկել ոչ միայն այդ ոճրագործությունը դատապարտողի դերում, այլ որոշակիորեն, ուղղակի կամ անուղղակի պաշտպանել է թուրքական կառավարողների հայաջինջ քաղաքականությունը ու գործողությունները: Վարելով երկերեսանի և հայկական կոտորածների նկատմամբ թողտվության քաղաքականություն, Ֆրանսիան մեղսակից է արևմտահայության և մասնավորապես կիլիկիահայության ցեղասպանությանը:

Ինչ վերաբերում է ԱՄՆ-ի դիրքորոշմանը, ապա նա հայերի ցեղասպանության հարցում հիմնականում մնաց դիտորդի դերում և ոչ մի լուրջ քայլ չկատարեց ոճրագործությունը դադարեցնելու և հայկական հարցը արդարացի լուծելու գործում: Ճիշտ է, ԱՄՆ-ի նախաձեռնությամբ 1920 թ. օգոստոսի 10-ին ստորագրվեց Սևրի պայմանագիրը, սակայն, այն մնաց թղթի վրա: Հարկ է ասել, որ Կոստանդ-

նուպուսում ԱՄՆ-ի գեսպան Շ. Մորգենթաուն մշտապես խարազանել է երիտթուրքական սպարազուխների հայաջինջ քաղաքականութունն ու գործողութունները, սակայն ամերիկյան կառավարութունը որևէ լուրջ քայլ չի կատարել հայերի ցեղասպանության կանխման, դադարեցման և դատապարտման գործում:

Ցեղասպանության ականատես, հայտնի գրող ու հրապարակախոս Ա. Վեգները հանգամանորեն վերլուծելով մեծ տերութունների մեղսակցութունը հայասպանության, հայերի նկատմամբ թուրքական ոճրագործութունների մեջ, հատուկ նամակ է գրել մեծ տերութունների կառավարութուններին՝ «Ճիշ Արարատից» վերնագրով: Այդ անվիճելի փաստագրական հրապարակման մեջ նա անարգանքի սյունին է գամել ինչպես եվրոպական, այնպես էլ ամերիկյան կառավարողներին, որոնք իրենց երկերեսանի քաղաքականությամբ նպաստեցին հայերի ցեղասպանությանը: Ա. Վեգները արդարացիությամբ և իրեն յուրահասուղ պատկերավորությամբ մերկացրել է նրանց քաղաքական ու գիվանագիտական խարդավանքները: Նա ի լուր աշխարհի գրել է. «Ի՞նչ արեցին Արևմուտքի հաղթանակած տերութունները իր հավատի ու սպու համար տանջահարված այդ փոքր ժողովրդին լիակատար բնաջնջումից պաշտպանելու գործում: Թույլ տվեք, Ձեզ, այդ պետութունների ղեկավարներին հիշեցնել Ձեր հանգիսավոր հավաստիացումներն ու երաշխավորութունները, որոնք պատերազմի ժամանակ խոստացել էիք Հայաստանին: Թույլ տվեք ինձ մեկ անգամ ևս հիշեցնել Ձեզ և ողջ աշխարհին ֆրանսիական խորհրդի նախագահ Կլեմանսոյի 1918 թվականի հուլիսի 14-ին Հայաստանին ուղղված խոսքերն այն մասին, որ մարդկայնության և արդարության օրհնքների հիման վրա զաշնակից տերութունները մշտապես իրենց պարտքն են համարում հոգ տանել այդ երկրի ճակատագրի համար: Մի՞թե շեն լավում, հիշողութունից այդպես արագորեն ջնջվում են Պուանկարի մեծագործը այն խոսքերը, որոնցով նա գիմեց Կիլիկիայի

կաթոլիկ հայերի պատրիարքին: Լոյզ Զորջը, Ռոբերտ Սեսիլը շհապաղեցին հետեւելու նրա օրինակին և նրանցից յուրաքանչյուրը որքան կոչեր են ստորագրել հանուն Հայաստանի ազատագրութեան: Բրիան, Դեշանել, Օրլանդո, Սոնինյո, Վիլսոն՝ այնքան շատ են մեծահամբավ անունները, որոնք շքերթի պաշտոնական համազգեստների նման անցնում են մեր կողքով, իրենց հետեւից թողնելով հիասթափութեան դատարկ հռհռոցի արծագանքը:

Ինչպիսի՞ն հղավ միմյանց հաջորդած այդ հանդիսավոր երգումների արդյունքները, զուցե սրբազան խաչակրած արշավանքի հայտարարում: Նոր թալան, սով ու կոտորած»<sup>14</sup>:

Ի տարբերություն ԱՄՆ-ի և եվրոպական տերութունների քաղաքականութեան, Ռուսաստանը այլ քաղաքականութուն է վարել հայերի ցեղասպանութեան և բնդհանրապես արևմտահայութեան նկատմամբ: Բնական է, Ռուսաստանը ղեկավարվում էր իր տնտեսական, քաղաքական ու ռազմաստրատեգիական շահերով, սակայն դրանք համընկնում էին հայութեան գոյատևման և ազգային ազատագրութեան խնդիրներին: Այդ տեսանկյունից էլ ռուսական քաղաքականութունը պաշտպանութեան և աջակցութեան էր արժանանում թե արևմտահայութեան, թե արևելահայութեան կողմից: Առաջին համաշխարհային պատերազմի նախօրյակին ռուսական զիվանագիտութունը հասավ այն բանին, որ 1914 թվականի հունվարի 26-ին Ռուսաստանի և Թուրքիայի միջև համաձայնագիր ստորագրվեց Արևմտյան Հայաստանում բարեփոխումներ (ռեֆորմներ) իրականացնելու վերաբերյալ: Առաջին համաշխարհային պատերազմի սկսմամբ, երիթուրքերի նախաձեռնութեամբ ի շիք դարձան նախանշված բարեփոխումները: Պատերազմի ժամանակ ռուսական զիվանագիտութունը ձեռնամուխ հղավ հայանպաստ կոնկրետ քայլերի: 1915 թ. ապրիլի 12-ին Ռուսաստանի արտաքին գործերի նախարար Սերգեյ Սազոնովը Փարիզում և Լոնդոնում դեսպաններ Ա. Իզվոլսկուն ու Ն. Բենկենդորֆին ուղարկած հեռագրում նշելով թուրքերի ու քրդերի կողմից

հայերի կոտորածի մասին, դատապարտելով այդ գործողությունները, ցուցում է տալիս նրանց առաջարկել Անգլիայի և Ֆրանսիայի կառավարություններին Ռուսաստանի «հետ համատեղ դիմում հրապարակել՝ ուղղված Բ. Դրանը, որի մեջ անձնական պատասխանատվությունը հայերի կոտորածի համար դրվի Թուրքիայի մինիստրների խորհրդի բոլոր անդամների, ինչպես և՛ այդ իրադարձությունների հետ առընչվող բոլոր քաղաքացիական ու զինվորական պաշտոնատար անձանց վրա»<sup>15</sup>: Անգլիայի և Ֆրանսիայի կառավարությունների համաձայնության դեպքում Ռուսաստանի արտաքին գործերի նախարարը անհրաժեշտ է համարում դիմումի տեքստը «որքան հնարավոր է շուտ հրապարակել և բեք-երկրներում էլ՝ միևնույն օրը»<sup>16</sup>:

Խորհրդանշական է, որ առաջին համաշխարհային պատերազմի դժվարին ու ծանր ժամանակաշրջանում, արևմտահայություն տեղահանության ու ցեղասպանության պայմաններում Խորհրդային Ռուսաստանի ժողովրդական կոմիսարիատի խորհուրդը 1917 թ. դեկտեմբերի 29-ին ընդունեց ղեկընտ Արևմտյան Հայաստանի (Թուրքահայաստանի) մասին: Հիրավի, հայկական հարցի լուծման այդ նշանավոր փաստաթուղթը, որով Արևմտյան Հայաստանը հռչակվում էր անկախ պետություն, ծնվեց՝ Ռուսաստանում և իր մեջ մարմնավորում է հայ-ռուսական դարավոր և անխախտ բարեկամությունը: Այն տողորված է ազգերի ինքնորոշման համամարդկային սկզբունքներով, ամենևին էլ չեղյալ չի համարվել և մեր ժամանակում պահպանում է իր քաղաքական, իրավական ու բարոյական ուժը:

Հայոց ցեղասպանությունը դատապարտել են մի շարք աշխարհավոր մտավորականներ ու գործիչներ: Մեր ժամանակում հայերի ցեղասպանության ճանաչման ու դատապարտման խնդիրներով զբաղվել է ժողովուրդների մշտական դատարանը (տրիբունալը), որն ստեղծվել է Հոռմում, 1976 թվականին:

1984 թ. ապրիլի 13—16-ը Փարիզում տեղի ունեցավ այդ դատարանի նստաշրջանը, որը նվիրված էր հայերի ցե-

ղասպանութեան հարցերին: Օրակարգը առաջադրված էր երեք կազմակերպութիւններին («Ազգային փոքրամասնութիւնների իրավունքների խումբ» — Ֆրանսիա, «Մշակութային դոյատեում» — ԱՄՆ, «Վտանգի մեջ հայտնված ժողովուրդների օգնութեան ասոցիացիա» — Գերմանիա) կողմից: Պրոբլեմի վերաբերյալ հանդես եկան տարբեր երկրների մի շարք մասնագետներ: Քանի որ Թուրքիան հրաժարվել էր ներկայացուցիչ ուղարկելուց, նստաշրջանը բավարարվեց Անկարայի միջազգային քաղաքականութեան ինստիտուտի «Հայկական պրոբլեմը. ինը հարց և ինը պատասխան» փաստաթղթի և Անկարայի համալսարանի պրոֆեսոր Թուրքայ Աթալովի՝ Թուրքական տեսակետն արտահայտող գրավոր ցուցումների քննարկմամբ: Նստաշրջանն ընդունեց կրօնափակիչ փաստաթուղթ, որի իրավական ու քաղաքական ելակետ են հանդիսանում ցեղասպանութեան հանցագործութեան կանխարգելման մասին 1948 թ. դեկտեմբերի 9-ի ՄԱԿ-ի ղլխավոր ասամբլեայի կոնվենցիան, նույն կազմակերպութեան, նույն թվականի, նույն ամսի 10-ի մարդու իրավունքների համընդհանուր հռչակագիրը, Նյուրնբերգյան դատավարութիւնում ընդունված և 1951 թ. ՄԱԿ-ի ղլխավոր ասամբլեայում հավանութեան արժանացած սկզբունքների մասին հանձնարարականը, մարդկութեան դեմ ուղղված հանցագործութեան վաղեմութեան ժամկետի մասին 1968 թ. կոնվենցիան և ժողովուրդների մշտական դատարանի 1979 թ. հունիսի 24-ին ընդունած կանոնադրութիւնը:

Ժողովուրդների մշտական դատարանը ընդունեց հետևյալ բովանդակութեամբ որոշումը.

1. Միջազգային իրավունքին համապատասխան պետք է պահպանվեն հայ ժողովրդի արժատական իրավունքները: 2. Դեպորտացիայի (տեղահանութեան) և զանգվածային բուսպանութիւնների միջոցով հայերի բնաջնջումը համարվում է ցեղասպանութիւն: 3. Երիտթուրքերի կառավարութիւնը պատասխանատվութիւն է կրում այդ ցեղասպանութեան, այն գործողութիւնների համար, որոնք կատարվել են 1915—

1917 թթ.: 4. Հայերի ցեղասպանությունը միջազգային հան-  
ցագործություն է, որի պատասխանատվությունից չպետք է  
խուսափի թուրքական կառավարությունը՝ նախկին և այժմ-  
յան կառավարությունների հաջորդաշունչությունը շրջադրված  
պատրվակով: 5. Այդ պատասխանատվությունը պարտավո-  
րեցնում է պաշտոնապես ճանաչել ցեղասպանության իրո-  
ղությունը և որպես հետևանք հատուցել հայ ժողովրդին  
պատճառած վնասը: 6. ՄԱԿ-ը, նրա յուրաքանչյուր անդամ-  
պետություն իրավասու են այդ հարցում աջակցելու հայ  
ժողովրդին<sup>17</sup>:

Հայերի ցեղասպանության միջազգային ճանաչումը հա-  
մամարդկային խնդիր է, միջազգային իրավունքի հրատապ  
հարց: Դա պայմանավորված է ոչ միայն XX դարի առաջին  
մեծ ռճրագործության դատապարտմամբ, այլ նաև նոր,  
ապագա ցեղասպանությունների կանխման կենսական ան-  
հրաժեշտություններով: Կարևոր է, որ 1987 թ. հունիսի 18-ին Եվ-  
րոպական պառլամենտը, որը միավորում է 12 երկրների  
պառլամենտականների, հատուկ որոշում ընդունեց 1915 թ. հա-  
յերի ցեղասպանության ճանաչման ու դատապարտման մա-  
սին: Ընդունված փաստաթղթում («Հայկական հարցի քաղա-  
քական լուծման մասին») նշված է, որ «Ցեղասպանության  
հանցագործության կանխարգելման և դրա համար պատժի  
ենթարկելու մասին ՄԱԿ-ի գլխավոր ասամբլեայի 1948 թ.  
դեկտեմբերի 9-ի կոնվենցիային համապատասխան, 1915—  
1917 թվականներին Օսմանյան կայսրության հայ բնակչու-  
թյան նկատմամբ կատարված ողբերգական իրադարձություն-  
ները հանդիսանում են ցեղասպանություն»<sup>18</sup>:

Միջազգային իրավունքի հիմնարար սկզբունքներից և  
ցեղասպանության մասին ՄԱԿ-ի գլխավոր ասամբլեայի  
ընդունած փաստաթղթերից բխում է այն հետևությունը, որ  
ցեղասպանություն կազմակերպած և իրագործած կողմը  
պետք է պատասխանատվություն կրի ամենից առաջ մարդ-  
կային զոհերի համար, հատուցի պատճառած նյութական  
վնասը և իրենց տերերին վերագարձնի զավթած տարածք-  
ները:

Առաջին աշխարհամարտում հայերի ցեղասպանության հետեանքները շին վերացվել: Մուլտրակի գրեթե բոլոր երկրներում սփռված ապրում են միլիոնավոր հայեր: Մի՞թե ցեղասպանությունից հրաշքով փրկված հայության բեկորները մշտապես դատապարտված են օտար երկրներում իրենց հայրենիքի կորստով ապրելու:

Միջազգային իրավունքի, ՄԱԿ-ի կանոնադրության, մարդու իրավունքների համընդհանուր հռչակագրի, ցեղասպանության վերաբերյալ ՄԱԿ-ի զլխավոր ասամբլեայի ընդունած որոշումների տեսանկյունից հայերի ցեղասպանության միջազգային ճանաչումն ու դատապարտումը համամարդկային նշանակություն ունի: Դրա նպատակը ոչ միայն նոր ցեղասպանությունների կանխումն է, այլ նաև ազգերի ինքնորոշման իրավունքի հիման վրա ազգամիջյան կոնֆլիկտների հաղթահարումը, ամբողջ աշխարհում կայուն ու մշտական խաղաղության հաստատումը:

## Պ Ա Տ Մ Ա Գ Ր ՈՒ Թ Յ ՈՒ Ն Ը

Առաջին համաշխարհային պատերազմի տարիների հայոց ցեղասպանության պատմագրությունը սկիզբ առավ հենց ցեղասպանության առաջին օրերից: Տարագիր հայերից շատերը, փրկվելով կոտորածներից, հանգրվանեցին աշխարհի տարրեր երկրներում և, ականատես լինելով դեպքերին, իրենց հայրենասիրական պարտքը համարեցին թրջթին հանձնել այդ սարսափների պատմությունը: Պետք է հիշատակել Մուշեղ արքեպիսկոպոսին, Հայկ Աճեմյանին, Ե. ք. Պարսամյանին, Գ. ծ. վ. Պալաքյանին և ուրիշներին<sup>1</sup>:

Խորհրդային Հայաստանում մինչև 60-ական թթ. շրջանի ժամանակին հայոց ցեղասպանության վերաբերյալ պատմագիտական ուսումնասիրություններ:

1960-ական թվականները բեկումնային եղան այդ բնագավառում: Մասնագետները (Ե. Սարգսյան, Ա. Մնացականյան, Զ. Կիրակոսյան) իրենց հիմնահարցերը լուսա-

բանելիս անդրադարձան նաև հայկական կոտորածներին և մատնանշեցին, որ զբանց կազմակերպողներն ու ուղեշնչողները եղել են պանթուրանական նպատակներ հետապնդող իթթիհատականները:

Հայոց ցեղասպանության հարցերը լայնորեն լուսաբանվեցին Մ. Ներսիսյանի կողմից կազմված և նրա խմբագրությամբ հրատարակված ժողովածուում<sup>2</sup>, որի նյութերը հավաքվել են Մոսկվայի ու Երևանի արխիվներից, պարբերականներից, ժամանակակիցների հաղորդումներից ու վկայություններից: Ժողովածուի հակիրճ, բայց բովանդակալից առաջարանում նշվում է, որ հայերի ջարդերը Թուրքիայում սկսվել են դեռ անցյալում, պետական քաղաքականություն ևն դարձել Արդուլ Համիդ 2-րդի օրոք և հիմնականում ավարտվել են երիտթուրքերի կառավարման տարիներին:

Հետազայում պատմաբանները (Մ. Արղուժանյան, Ս. Հակոբյան, Ս. Ստեփանյան, Մ. Աղայան, Հ. Ինճիկյան, Հ. Սիմոնյան, Հ. Պողոսյան, Ա. Փափաղյան, Ռ. Սահակյան) ավելի խորացրին հիմնահարցի ուսումնասիրությունը: Ոմանք նաև փորձեր կատարեցին մասնագիտորեն ներկայացնել ցեղասպանության պատմագրությունը (Մ. Կարապետյան և ուրիշներ):

1960-ական թվականները բեկումնային եղան նաև սփյուռքահայ պատմագրության մեջ: Հրատարակվեցին մի շարք աշխատություններ, որոնցում իր ծավալով ու բնոգրկումներով առաջնակարգ նշանակություն ունի Գերսամ Ահարոնյանի ու Նազարեթ Թոփչյանի կողմից ստեղծված «Հուշամատյան մեծ եղեռնին»<sup>3</sup>: Նրանում զետեղված նյութերը լույս են սփռում թուրք կառավարիչների հայահալած քաղաքականության, արևմտահայերի ծանր դրության, դանդաղածային ջարդերի, դիմադրական մարտերի և այլ հարցերի վրա:

1960—1980-ական թվականներին Բեյրութում, Փարիզում, Թեհրանում և այլ քաղաքներում հրատարակվեցին մի շարք հայ պատմաբանների (Հ. Ղազարյան, Ն. Շիրինյան,

Ա. Ամուրջան և այլն) աշխատությունները, որոնք նվիրված էին ցեղասպանության խնդիրներին:

Սփյուռքահայ պատմագրության յուրահատկություններից մեկն այն է, որ հայազգի հեղինակներից շատերը գրում էին օտար լեզուներով: Գրանցից պիտի հիշատակել Ա. Անտոնյանին, Ա. Սաֆրազյանին, Ի. Մկրտչյանին, Ա. Սարգրսյանին (Անգլիայում), Խ. Հովհաննիսյանին, Գ. Պողոսյանին, Վ. Քյուրքչյանին, Տ. Բոյաջյանին, Գ. Պարակչյանին, Խ. Կոյանին (ԱՄՆ-ում), Ս. Աֆանասյանին, Ա. Տեր-Մինասյանին, Ա. Բեյլերյանին, Ս. Մուրադյանին (Ֆրանսիայում), Փ. Քոչարյանին, Ա. Բերկյանին, Ա. Օհանջանյանին (Գերմանիայում) և այլն: Նրանք նոր փաստերի հիման վրա կատարեցին մի շարք գիտական ընդհանրացումներ և գրանք պրոպագանդեցին այլազգի ընթերցողների լայն շրջաններում, որը չի կարող չունենալ իր քաղաքական հետևանքները:

Թուրք պատմագրութունը հայոց ցեղասպանության հարցերին անդրադարձավ կստորածներից անմիջապես հետո: Առաջինը հանդես եկան իրենք՝ ոճրագործները՝ Թալիաթը, Զեմալը և այլոք<sup>4</sup>: Նրանք իրենց արդարացնելու համար կեղծում ու խեղաթյուրում էին պատմութունը, նենգափոխում ու աղավաղում էին այն՝ արևմտահայերի ողբերգության պատճառ համարելով հենց իրենց՝ հայերին: Երիտթուրքերի այդ զեկավարները նվազեցնում էին հայերի թվաքանակը, հայտարարելով, որ պատերազմի նախօրյակին ամբողջ կայսրությունում այն կազմում էր շուրջ մեկ միլիոն, նույնիսկ դրանից էլ պակաս, նշում էին, որ հայերը մինչև XIX դարի վերջերը ապրում էին թուրքերի հետ հաշտ ու խաղաղ, անգամ ավելի լավ, քան թուրքերը, որ նրանց անդորրը պղտորեցին կոմիտաշիները, այսինքն՝ հայ ազգային կուսակցությունները, որոնք թափանցելով Թուրքիա, սկսեցին գրգռել իրենց հայրենակիցներին օսմանյան իշխանությունների դեմ՝ նպատակ ունենալով անջատել Արևելյան Անատոլիան Թուրքիայից և ստեղծել ազգային պիտականություն, որ հայերին ոտքի հանեցին այդ իշխանությունների

զեմ նաև մեծ տերությունները, հատկապես Ռուսաստանը, կամենալով առիթ ստեղծել միջամտելու Թուրքիայի ներքին գործերին և կորզելու նրանից զիջումներ: Իթթիհատի պարագլուխները այնուհետև հայտարարում էին, որ իրենք առաջին համաշխարհային պատերազմի տարիներին հարկադրված եղան արևմտահայերին տեղափոխել կայսրության խորքերը, քանզի նրանք ապստամբվում էին իրենց դեմ, թուլացնում էին թուրքական թիկունքը, օգնում ու օժանդակում էին թշնամիներին, կամենում էին բնաջնջել թուրքերին ու բոլոր մահմեդականներին և այլն: Իթթիհատի ղեկավարները այդ անհեթեթությունները կրկնում էին թուրքական պաշտոնական և ոչ պաշտոնական պատմարանները<sup>5</sup>:

Մինչև 1960-ական թվականները թուրքական պատմագրությունը լռել կամ համարյա լռել էր հայոց ցեղասպանության մասին: Երբ հայ պատմագիտությունը սկսեց վեր հանել ցեղասպանության հիմնահարցերը և դատապարտել մեղավորներին, թուրքական պաշտոնական և ոչ պաշտոնական պատմարանները (Ջեմալ Քուրայի, Ահմեդ Բեյկի Կուրանի, Ահմեդ Ռուտեմ բեյ, Էնվեր Զիյա Կուրալ, Այան Յալլըն և այլն) հանդես եկան մի շարք աշխատություններով, որոնցում հիմնականում կրկնում էին երիտթուրքերի ղեկավարների վերոհիշյալ պնդումները և նշում, որ պատերազմի ընթացքում, եթե կոտորածներ են եղել, ապա եղել են և հայերի, և թուրքերի կողմից, ընդ որում սպանված թուրքերի թիվն ավելի մեծ է եղել, քան հայերինը<sup>6</sup>: Իսկ ուլքեր ընդունում էին հայկական կոտորածների փաստը, համարում էին զրանք մասնակի զեպքեր, որոնք կատարվել են ոչ թե կառավարության թելադրանքով, այլ բուրգ ցեղապետերի կամ մահմեդական կրոնամուլ ամբոխի մեղքով: Թուրք պատմարաններն իրենց կեղծ ու շինծու տեսակետները քաղաքակիրթ աշխարհում տարածելու համար հրապարակում էին զրանք օտար լեզուներով կամ օգտագործում էին վարձկան զրչակներին:

Հատկանշական է, որ վերջին հարյուր տարվա ընթացքում Թուրքիայում փոխվել է երեք հասարակական-քաղաքա-

կան վարչակարգ՝ միապետական, սահմանադրական-միապետական և հանրապետական, հայկական կոտորածներին անդրադարձել են պաշտոնական և ոչ պաշտոնական շրջանները, բայց բոլորն ուղղակի կամ անուղղակի ժխտել են հայոց ցեղասպանության փաստը: Միայն Թուրքիայի կոմկուսի կենտկոմն է, որ 1984 թ. դատապարտեց իթիհատի ոճրագործությունը հայերի հանդեպ, համարելով դա թուրք ժողովրդի վրա բիծ դցող խայտառակություն:

Հայոց ցեղասպանությանը, դեռ առաջին աշխարհամարտի տարիներին, անդրադարձան աշխարհի շատ հասարակական-քաղաքական գործիչներ, անվանի հրապարակախոսներ ու գիտնականներ, ճանաչված քաղաքագետներ ու մարդասերներ. Ռուսաստանում՝ Վ. Բրյուսովը, Ա. Մանդելշտամը, Պ. Միլյուկովը, Վ. Գորդևսկին, Անգլիայում՝ Զ. Բրայսը, Ա. Թոյնրին, Ե. Ռոբինզոնը, Լ. էյնշտեյնը, ԱՄՆ-ում՝ Հ. Մորգենթաուն, Գ. Մոնտգոմերը, Ու. Քինկը, Ֆրանսիայում՝ Ժ. Մորգանը, է. Դումերգը, Ռ. Պինոնը, Հ. Բարբյուսը, Գերմանիայում՝ Յո. Լիպսիուսը, Յոզ. Մարկվարտը, Մ. Նիպպեն, Հ. Ֆիրբյուխերը, Հ. Շայուրմերը, Նորվեգիայում՝ Ֆ. Նանսենը և ուրիշներ: Նրանք դատապարտում էին երիտթուրքերի եղեռնագործությունները և տերություններից պահանջում փրկել հայերին բնաջնջումից:

Հետագայում, երբ հայոց ցեղասպանության փաստը գնալով ավելի ու ավելի տարածվեց շատ երկրներ, և ցեղասպանությունը, որպես մարդկության հանդեպ հանցագործություն, դատապարտվեց առաջադեմ շրջանների կողմից, հանդես եկան նոր հեղինակներ, որոնք, մասնագիտորեն ուսումնասիրելով հիմնահարցը, համալրեցին այդ հանցագործությունը դատապարտողների և երիտթուրքերին անարգանքի սյունին դամոզների բանակը: Դրանցից պետք է հիշատակել Ռուսաստանում Ե. Տալբին, Ա. Երուսալիմրեկուն, Ն. Կրավչենկոյին, Վ. Խվոստովին, Բ. Շտեյնին, Անգլիայում՝ Գ. Լենգին, Կ. Ուոքերին, Ֆրանսիայում՝ Ժ. Գարզուին, Ի. Տերնոնին, Գերմանիայում՝ է. Վերներին, Պ. Լա-

նին, Թ. Հոֆմանին և ուրիշներին: Նրանք մերկացրին իթթի-  
հատի եղեռնագործ քաղաքականությունը և ցույց տվեցին,  
որ այն հետապնդում էր նվաճողական նպատակներ:

Գերմանացի ժամանակակից նշանավոր արևելագիտ  
պրոֆ. էրնստ Վերները բազմակողմանի ու հավաստի փաս-  
տերով խարազանում է թուրք պատմաբան Ս. Սոնիլի ստա-  
հոդ պնդումները, հայերի ցեղասպանությունը ժխտելու ան-  
հիմն ու կեղծ փաստարկումները<sup>7</sup>:

Ֆրանսիացի պատմաբան-հետազոտողներ Ա. Համելենն  
ու ժան-Միշել Բրոնը 1970-ական թվականներին հանդամ-  
նորեն ուսումնասիրել են հայերի ցեղասպանության իրո-  
ղությունները, տարբեր երկրների արխիվներում պահպան-  
ված փաստաթղթերը, եղել են Թուրքիայում, Հայաստանում,  
հայ դադթօջախներում, լսել են ցեղասպանությունից մաղա-  
պուրծ հայերին, հանդիպել թուրք պաշտոնյաների հետ և  
եկել այն եզրակացության, որ թուրք կառավարողները եղել  
են XX դարի առաջին ցեղասպանության կազմակերպողնե-  
րըն ու իրագործողները, որ այդ դարում աշխարհի տարբեր  
երկրներում կատարվել են շատ ցեղասպանություններ, ու-  
րոնց մեջ, սակայն, ղանդվածային տեսանկյունից հայոց  
ցեղասպանությունը «առաջին ցեղասպանությունն է»<sup>8</sup>:

Արտասահմանում լույս են տեսնում հայոց ցեղասպա-  
նությանը նվիրված նյութերի ու փաստաթղթերի ժողովա-  
ծուներ: Մյունխենում, օրինակ, 1987—1988 թթ. հրատա-  
րակվեց «Հայերի ցեղասպանությունը» ժողովածուի առաջին  
հատորը, որի առաջաբանը գրել է հարցին քաջատեղյակ  
Ֆ. Նրմակորը:

Սակայն արտասահմանում կան նաև պատմաբաններ,  
որոնք, ելնելով իրենց երկրների կառավարող շրջանների  
Թուրքիայի հետ ունեցած տնտեսական, քաղաքական ու ռազ-  
մական շահերից և այլ հանգամանքներից, ուղղակի թե ան-  
ուղղակի արդարացնում են երիտթուրքերի հայակործան քա-  
ղաքականությունը: Նրանք կրկնում են թուրքական պաշտո-  
նական և ոչ պաշտոնական շրջանների վերահիշյալ գրույթ-  
ները, նույնիսկ հայտարարում են, որ Թուրքիան առանց հա-

յիբի բնաշնչման շէր կարող պաշտպանել իր անկախությունըն ու տարածքային ամբողջականությունը: Դրանցից պետք է նշել Անգլիայում ժողովուրդի Հուսիսային, ԱՄՆ-ում՝ Շոտլանդիայում, Լ. Բուլմասին, Ֆրանսիայում՝ Պիեռ Մոզերին, Պոլ Դյուամսին, Ժան Լյարոշին և այլոց: Բայց իթիհատի հայաշինչ բաղաբականությունը դատապարտող և հայկական դատը պաշտպանող հեղինակների թիվն, ինչ խոսք, ավելի մեծ է:

Հայերի ցեղասպանությունից անցել է ութ տասնամյակ, կանցնեն նաև բազմաթիվ տարիներ, բայց նրանք երբեք չեն մոռանա իրենց կորցրած Հայրենիքը և վառ կպահեն զոհերի հիշատակը: Հայերը պահանջում են, որ համաշխարհային մարդկությունն ընդունի իրենց ցեղասպանության փաստը և դատաւարարի թուրքերի աննախադեպ ոճրագործությունը, պահանջում են իրենց կորուստների արդար հատուցում և վանդալիզմի իսպառ վերացում:



Հայոց ցեղասպանության ճանաչման ու դատապարտման գործում նոր, նշանակալից բայլ կատարվեց: Ռուսաստանի դաշնության Պետական դուման 1995 թ. ապրիլի 14-ին ընդունեց հայտարարություն «1915—1922 թթ. հայ ժողովրդի ցեղասպանության դատապարտման մասին»:

Ահա այդ նշանավոր փաստաթուղթը:

«Հենվելով անհրաժեշտ պատմական փաստերի վրա, որոնք վկայում են Արևմտահայաստանի տարածքում 1915—1922 թթ. հայերի բնաշնչման մասին,

— հետևելով ցեղասպանության հանցագործությունը կանխելու և դրա համար պատժելու մասին 1948 թ. դեկտեմբերի 9-ին ՄԱԿ-ի ընդունած միջազգային սուրբ ու տառին,

— պատերազմական հանցագործությունների և մարդկության դեմ ուղղված հանցագործությունների վաղեմության ժամկետի մասին 1968 թ. նոյեմբերի 26-ի միջազգային,

— ձգտելով վերածնել ռուսական պետության մարդասիրական ավանդույթները, հիշեցնելով, որ Ռուսաստանի նախաձեռնությամբ Եվրոպական մեծ տերությունները դեռ 1915 թ. հայ ժողովրդի հանդեպ թուրքական կայսրության գործողությունները սրակել են սրպես «մարդկության դեմ ուղղված հանցագործություն»,

— նշելով, որ իր պատմական հայրենիքում եզրայրական հայ ժողովրդի ֆիզիկական բնաջնջումը կատարվել է Ռուսաստանի քայքայման համար պայմաններ ստեղծելու նպատակով,

— ՌԴ Պետդուման դատապարտում է 1915—1922 թթ. հայերի բնաջնջման կազմակերպիչներին,

— իր կարեկցանքն է հայտնում հայ ժողովրդին և ապրիլի 24-ը համարում ցեղասպանության զոհերի հիշատակի օր»<sup>17</sup>։

14 ապրիլի 1995 թ.

«Հայաստան», 18 ապրիլի 1995 թ.

## ՕԳՏԱԳՈՐԾՎԱԾ ԱՂՐՅՈՒՐՆԵՐԸ

### ԻՆՁ Է ՑՆՂԱՍՊԱՆՈՒԹՅՈՒՆԸ

1. Lemkin R. Axis Rule in Occupied Europe. Washington. Carnegie Endowment for International Peace. 1944.
2. Нюрнбергский процесс над главными немецкими военными преступниками. Сборник материалов в семи томах. М., 1957, т. 1, с. 67.
3. Там же.
4. Официальные отчеты второй части первой сессии Генеральной Ассамблеи ООН. Пленарное заседание Генеральной Ассамблеи. Стенографические отчеты 23 октября—16 декабря 1946 г. Флоринг Медоу—Нью-Йорк, 1946, с. 226.
5. Там же.
6. Там же, с. 140.
7. Международная защита прав и свобод человека. Сборник документов. М., 1990, с. 99.
8. Там же.
9. Там же, с. 100.
10. Там же, с. 659.
11. Там же.
12. Там же.

### ՀԱՅԱՍՏԱՆԻ ԹՅՈՒՆԸ (ԱՐԽԵՆՈՑԻԿ)

1. Տե՛ս Պրենս Մ.. Անպատիժ ցեղասպանությունն մը հայաստանությունը՝ Պեյրոսի, 1969:
2. История дипломатии, М., 1963, т. 2, с. 333.
3. «Փորձ», ազգային և գրականական միամսեայ հանդես, երրորդ տարի, յուրիս և օգոստոս, Բ. 7—8, Տփլիս, 1879, էջ 204—205:
4. Архив внешней политики России (АВПР), Ф. Политархив, д. 3460, л. 34.

5. Sächsisches Hauptstaatsarchiv Dresden, Gesandtschaft Berlin, Nr. 251, Bl. 127 b.
6. Lepsius J. Armenien und Europa. Berlin, 1896, S. 21.
7. Ibid.
8. «Die Welt des Islams», 1914, Band II, Heft 2/4. S. 287.
9. «Die Große Politik der Europäischen Kabinette 1871—1914. Sammlung der Diplomatischen Akten des Auswärtigen Amtes». Berlin, 1922—1926.
10. *Тенишев В. Позор цивилизации. С.—Петербургъ, 1897, с. 20.*
11. «Тифлисский листок», 1909, № 93.
12. Ղազարեան Դ., Ցեղասպան իտորրբ, Պէրթոթ, 1968, էջ 179:
13. Lepsius J., Der Todesgang des Armenischen Volkes. Bericht über das Schicksal des Armenischen volkes in der Tülkei während das Weltkrieges. Potsdam, 1919, S. 220.
14. Ibid., S. 222.
15. Ibid., S. 221—222.
16. Կեմբարսկի Թ., Նամակներ աշխարհին, Երևան, 1990, էջ 80—81:
17. Mevlan Zade Rifat. Türkiye inkilabin ive yüzü. Halep, 1929.
18. «Revue de la Etudes», Paris, 1970, N 333.
19. Der Prozeß Talaat Pascha. Stenographischer Bericht mit einem Vorwort von Armin T. Wegner und einem Anhang. Berlin, 1921, S. 136.
20. Lepsius J., Deutschland und Armenien 1914—1918. Sammlung diplomatischer Aktenstücke. Potsdam, 1919, S. IX.
21. Sächsisches Hauptstaatsarchiv Dresden. Außenministerium. Akten—Nr. 1952, Bl. 14—15.
22. Ibid., Bl. 76.
23. Ibid.
24. Deutsches Zentralarchiv. Historische Abteilung II, Merseburg. Repositur 89. 2.2.1. Königlich Geheimes Zivilkabinett, Akten—Nr. 1340, Bl. 192.
25. Տէր Զօր լոյս հազաւ. Տէր Զօրի Սրբոց նահատակաց եկեղեցոյ օժման առիթով. 5 մայիսի 1991, Անթիլիիաս-Լիրանան, էջ 12:
26. Նույն տեղում, էջ 13:
27. Անտոնեան Ա., Մեծ ոճիրը: Հայկական վերջին կոտորածները և Թալիսի փաշայի Պոսթըն, 1921, էջ 18:
28. Նույն տեղում, էջ 19:
29. Տէր Զօր, լոյս հազաւ Տէր Զօրի Սրբոց նահատակաց եկեղեցոյ օժման առիթով, 5 մայիսի 1991 թ., Անթիլիիաս-Լիրանան, էջ 15:
30. Թումանյան Հ., Երկեր, հ. 6, Ե., 1959, էջ 212—213:
31. Morgenthau H., Ambassador Morgenthau's story. Garden-Gity-New York, 1918, p. 325.

## ԳՈՅԱՄԱՐՏԵՐԸ

1. Հայաստանի պետական պատկերասրահ, հուշածեղանկարային բաժին ֆ. 30, ինվենտար, 423, թ. 412:
2. Օն. Մխիթարյան, Վանի հերոսամարտը, Սոֆիա, 1930, էջ 146:
3. «Տարոնոյ ինքնապաշտպանութիւնը և ջարդը 1914—1915», պատմեց նդիշի բժն, Տեր-Պարսամյան (նախկ. առաջն. փոխանորդ Տարոնոյ), գրեց Սիսակ Նալբանդյան, Ֆրէզնո, Քալիֆորնիա, Մ. Ն., 1920, էջ 54:
4. Արամ Հալիպզ, Շապին Գարահիսար ու իր հերոսամարտը, Նյու Յորք, 1957, էջ 207:
5. «1915—1965, Հուշամատյան մեծ եղևոնի», հրատարակչություն «Զարթոնք», Պէյրուսի, 1965, էջ 777:
6. Հակոբ Տեր-Հաբուրյունյան, Շապին Գարահիսարի ապստամբությունը, Պոստոն, 1955 թ.:
7. «Դյուցազնական Ուրֆան և իր հայորդիները», աշխատագրեց Արամ Սահակյան, Պէյրուսի, 1955, էջ 834:
8. «Հուշամատյան...», էջ 804:
9. «Հուշամատյան Մուսա լեռան», խմբագրեցին Մարտիրոս Քուչագճյան և Պողոս Մատուռյան, Պէյրուսի, 1970, էջ 334:
10. Սարգարապատի հերոսամարտի նկարագրությունը, ան՛ս ՀՀ ՊԿՊԱ, ֆ. 121, ց. 2, գ. 82:
11. Խ. Սահակյան, Ցեղասպանության պատմությունից, Երևան, 1990, էջ 195:
12. «Բաները Հայաստանի արխիվների», 1969, թ. 1, էջ 161—162:
13. Մ. Վ. (Սահունկ Ղազարյան), Ղարաբիլիսայի հերոսամարտը (սկանառեսի հիշողություններից), Թիֆլիս, 1920, էջ 12—13:
14. «Հայրենիք», 1932, թ. 3, էջ 82—83:
15. Н. Х. Баграмян, Мои воспоминания, Ереван, 1979, с.88.
16. Խ. Վ. Սահակյան, Թուրք-ֆրանսիական հարարերությունները և Կիլիկիան 1919—1921 թթ., Երևան, 1970:

## Հ Ե Տ Ե Վ Ա Ն Ք Ն Ե Ր Ը

1. «1915—1965, Հուշամատյան մեծ եղևոնի», հրատարակչություն «Զարթոնք», Պէյրուսի, 1965, էջ 128:
2. Д. С. Завриев, Восточная Анатолия, Экономический очерк, 1936, с. 24.
3. Der Prozeß Talaat Pascha, Stenographischer Bericht mit einem Vorwort von Armin T. Wegner und einem Anhang. Berlin, 1921.
4. «Պլատֆորմ հայ հեղափոխական դաշնակցության», Երևան, 1990, էջ 46:

5. «Սոցիալ-դեմոկրատական հնչակյան կուսակցություն, ծրագիր և կանոնագիր», Երևան, 1993, էջ 9:
6. «Հայաստանի սամկավար ազատական կուսակցության ծրագիր», Երևական, 1993, էջ 2:
7. «Մեր խոսքը», 1994, նոյեմբերի 2:
8. О. Г. Инджикян, Буржуазия Османской империи, Ереван, 1977, с. 212—213.
9. «Հայերի ցեղասպանությունը ըստ Երիթրոպոլիսի դատավարության փաստաթղթերի»: Առաջարանը, թարգմանությունը և ծանոթագրությունները Ա. Չ. Փափազյանի, Երևան, 1988, էջ 14—20:

ՊԵՏՈՒԹՅՈՒՆՆԵՐԻ, ՄԻՋԱԶԿԱՅԻՆ ԿԱԶՄԱԿԵՐՊՈՒԹՅՈՒՆՆԵՐԻ  
ԳԻՐԳՐՈՇՈՒՄԸ ԵՎ ՀԱՅԵՐԻ ՑԵՂԱՍՊԱՆՈՒԹՅԱՆ ՀԱՄԱՇԵԱՐՀԱՅԻՆ  
ՃԱՆԱԶՄԱՆ ԽՆԳԻՐԸ

1. Der Prozeß Talaat Pascha. Stenographischer Bericht mit einem Vorwort von Armin T. Wegner und einem Anhang. Berlin, 1921, S. 55.
2. Архив внешней политики России (АВПР). Ф. Канцелярия, 1914, д. 207, л. 32.
3. Marquart Jos. Die Entstehung und Wiederherstellung der armenischen Nation. Berlin-Schöneberg. 1919, S. 53.
4. Lepsius J. Deutschland und Armenien 1914—1918. Sammlung diplomatischer Aktenstücke. Potsdam, 1919.
5. Lepsius J., Was hat man den Armeniern getan? Die Zeit zu reden ist gekommen. «Mitteilungen aus der Arbeit von Dr. Johannes Lepsius», Nr. 11—12, September-Dezember, 1918, Potsdam, S. 113.
6. Liebknecht K., Gesammelte Reden und Schriften. Berlin, 1966, Bd VIII, S. 438.
7. Stuermer H. Zwei Kriegsjahre in Konstantinopel. Skizzen deutsch-jungtürkischer Moral und Politik. Lausanne, 1917, S. 78.
8. Lbid., S. 58—59.
9. Тарле Е., Европа в эпоху империализма. 1871—1919 гг. М.—Л., 1928, с. 392.
10. Ллойд Джордж. Правда о мирных договорах. М., 1957, т. 2, с. 390.
11. Там же.
12. Там же.
13. «Mitteilungsblatt der Deutsch-Armenischen Gesellschaft», Berlin, 1939, Nr. 5—6, S. 18.
14. Wegner A., Der Schrei vom Ararat. An die Regierungen der sieghaften Völker. Leipzig, 1922, S. 2—3.

15. Հայերի ցեղասպանությունը Օսմանյան կայսրությունում: Փաստավեր-  
վերի և նյութերի ժողովածու Մ. Գ. Ներսիսյանի խմբագրությամբ:  
Երևան, 1991, էջ 339:
16. Նույն տեղում:
17. Tribunal Permanent des Peuples. Le Crime de silence. Le génocide  
des Arméniens. Flammarion, Paris, 1984, p. 348.
18. Parlement Européen. Le point de la session. Strasbourg, 15—19 Ju-  
in 1987, p. 40.

#### Պ Ա Տ Մ Ա Գ Ր ՈՒ Թ Յ ՈՒ Ն

1. Առաջին աշխարհամարտի տարիներին հայոց ցեղասպանության պատ-  
մության վերաբերյալ հրատարակվել է ահուլի բանակությամբ գրա-  
կանություն ինչպես հայերեն, այնպես էլ ռուսերեն և այլ լեզուներով:  
Տեղի սղության պատճառով չենք կարող թվարկել բոլոր հեղի-  
նակներին, ինչպես և հիշատակված հեղինակների աշխատություննե-  
րի վերնագրերը:
2. «Геноцид армян в Османской империи», Сборник документов  
и материалов, под редакцией проф. М. Г. Нерсисяна, Ереван,  
1966.
3. «1915—1965, Հուշամատյան մեծ եղևնի», հրատարակություն «Զար-  
թոնք» օրավերթի, Պեյրուսի, 1965:
4. Ջեմալ փաշա, Հայկական հարցը, Երևան, 1927:
5. Esat Uras, Tarihte Ermeniler ve Ermeni meselesi, Ankara, 1950.
6. Kemal H. Karpat, Ottoman population 1830—1914. Demographie and  
social characteristics, Wisconsin, 1985, p. 188.
7. Werner E. Die Armeniergreuel 1915/16—ein armenisches Greuelmär-  
chen? «Zeitschrift für Geschichtswissenschaft. XXI Jahrgang. 1973,  
Heft 2. Berlin.
8. Hamelen A. Brun J. La mémoire retrouvée, Mercure de France Pa-  
ris, 1983. ,

#### ՀԱՆՁՆԱՐԱՐՎՈՂ ԳՐԱԿԱՆՈՒԹՅՈՒՆ

1. «1915—1965, Հուշամատյան մեծ եղևնի», հրատարակություն «Զար-  
թոնք» օրավերթի, Պեյրուսի, 1965:
2. Геноцид армян в Османской империи. Сборник документов и  
материалов под редакцией профессора М. Г. Нерсисяна. Ере-  
ван, 1966.  
Հրատարակված է նաև հայերեն՝ «Հայերի ցեղասպանությունը Օսման-  
յան կայսրության մեջ» փաստավերթի և նյութերի ժողովածու, խմբ-  
ագրությամբ պրոֆ. Մ. Գ. Ներսիսյանի, Երևան, 1991 թ.:

3. «Հայերի ցեղասպանությունը ըստ երիտթուրքերի դատավարության փաստաթղթերի», առաջարանք, թարգմանությունը և ծանոթագրությունները Ա. Հ. Փափազյանի, Երևան, 1988:
4. Германские источники о геноциде армян. Период первой мировой войны. Сборник документов и материалов в двух томах, т. I. под редакцией профессора С. С. Степаняна. Ереван, 1991.
5. «Հայկական հարցը. հանրագիտարան»: Խմբագրական հանձնաժողով, Երևան, 1991:
6. Брюсов В., Летопись исторических судеб армянского народа. Ереван, 1989.
7. Ա. Մանելշամ, Յամանյան կայսրության ճակատագիրը և Հայկական հարցը, մասն. Ա, 4. Պոլիս, 1919:
8. Lepsius J. Deutschland und Armenien 1914—1918. Sammlung diplomatischer Aktenstücke. Potsdam, 1919.
9. Յս. Ասլախյան, Հայաստանի շարժերը, գաղտնի տեղեկագիր, 4. Պոլիս, 1919:
10. Ա. Թոյնրի, Հայկական կոտորածները, Փարիզ, 1916:
11. Ամերիկյան դեսպան Հենրի Մորգենթաուի հուշերը և հայկական եղևոնի գաղտնիքները, Երևան, 1990:
12. Բ. Պինոն, Հայերի բնաջնջումը, ղերմանական մեթոդ, թուրքական դորձեյակերսդ, 4. Պոլիս, 1919:
13. Ֆ. Նանսեն, Հայաստան և Մերձավոր Արևելքը, Պեյրոսի, 1958:
14. Ա. Ս. Համբարջյան, Արեմտահայերի 1915 թ. կոտորածները և ինքնազոհության մարտերը, Երևան, 1990:
15. Հ. Մ. Պոլոսյան, Ջեյթոնի պատմությունը, Երևան, 1969:

Բ Ո Վ Ա Ն Դ Ա Կ Ո Ի Թ Տ Ո Ի Ն

Ի՞նչ է ցեղասպանությունը . . . . .	5
Հայաստանությունը (Արմենոցիդ) . . . . .	7
Գոյամարտերը . . . . .	19
Հետևանքները . . . . .	40
Պետությունների, միջազգային կազմակերպությունների դիրքորոշումը և հայերի ցեղասպանության համաշխարհային ճանաչման խնդիրը . . . . .	47
Պատմագրությունը . . . . .	56
Ոգտագործված աղբյուրները . . . . .	64
Հանձնարարվող գրականություն . . . . .	68

ԱԶԱՏ ՍԱՐԳՍԻ ՀԱՄԱՐՅԱՆ  
ԱՏԵՓԱՆ ՍՄՐԱՏԻ ԱՏԵՓԱՆՅԱՆ

Հ Ա Յ Ո Յ    Յ Ե Ղ Ա Ս Պ Ա Ն Ո Ի Թ Յ Ո Ի Ն Ը

Հրատ. խմբագիր    Ա. Վ. ՀՈՎԱԿԻՄՅԱՆ

Տեխ. խմբագիր    Ա. Պ. ՇԱՀԻՆՅԱՆ

Հանձնված է շարվածքի 20.04.1995 թ.: Ստորագրված է տպագրության  
12.07.1995 թ.: Չափը 84×108<sup>1/32</sup>: Թուղթ N 1: Տառատեսակ «Գրքի սովո-  
րական»: Բարձր տպագրություն: Պայմ. 3,32 մամ., սպաղր. 4,5 մամուլ:  
Հրատ.-հաշվարկ. 3,0 մամուլ: Տպաքանակ 500: Պատվեր N 10: Գինը՝  
սլայմանագրային:

ՀՀ ԳԱԱ «Գիտություն» հրատարակչություն, 375019, Երևան, Մարշալ  
Բաղրամյան պող. 24 գ.:

ՀՀ ԳԱԱ «Գիտություն» հրատարակչության տպարան, 378410, ք. Աշտարակ 2:

300 m -

ԳԼԿ ՀԻՃՆԱՐԱՐԻ ԳԽՈՒ ԳՐԱԿ.



FL0196304

A <sup>11</sup>  
83662